



有正味齋全集

Faint bleed-through text from the reverse side of the page, including characters like '和', '895', and '2'.

和  
895  
2





有正味齋詩集卷五目錄

有正味齋詩集卷五目錄



錢塘 吳錫麒 聖徵

翰苑集上

雜詩十二首

同陳寶所給諫鴻寶朱春浦司業茶沈景澱江考功

錦游萬泉寺四首

九月六日雨中同衛訥旃德威舒古廉居荷莊念祖集

寓齋分詠重九故事得催租吏

花窖歌

丁香花下懷相圃春漪

晚自西郊投清梵寺宿次陳伯恭崇本韻

散館蒙



恩授職編修恭紀

移居用樊榭集中韻四首

九日夢堂相國招集獨往園和施耦堂侍御學濂韻

荒莊感舊圖歌并序

題羅兩峯聘仿東坡墨竹

鳳城新年詞四首

同徐鐵厓立綱于健園鼎戴可亭均元游法源寺歸飲

鐵厓寓齋同賦二首

送春三首

洗象行

顏魯公名印歌

題桂未谷馥溪山獨步圖

漢長毋相忘瓦歌為張瘦銅賦

漢廬江太守范式碗額拓本

哭胡竹城

盆梅

桂未谷以所藏山谷詩孫印贈黃仲則景仁屬余為詩

記之

上巳集周載軒編修厚轅清遠室分賦梨花得之字

蘇文忠公定惠院月夜偶出二詩草稿翁覃溪學士方

編以摹本裝冊索題用元韻二首

題鄭湛若視銘并洗視池字拓本

文丞相琴歌

趙孟頫小印



十月九日夢堂先生招集獨往園作展重陽會

覃溪學士圖蘇端明遊迹四幀索題四首

黃樓

雪堂

白鶴峰

載酒堂

十二月十九日東坡先生生日覃溪學士招同人宴酒

蘇齋采芝山同年葆醇畫李委江上吹笛圖各題一

詩

正月五日耦堂侍御雨同張鄂樓彤小飲寶石齋願章

田比部震繼至同用耦堂男字韻

毛雨香舍人鳳儀僦居王文簡公古立勝舊廬招同李味

莊廷敬

王紫宇春煦

何南陔循

胡淇厓榮

陳伯恭諸

同年小集仍用前韻

燕九日孫補山中丞士毅

招集寓齋卽和其疊字詩韻

謝文節橋亭卜卦硯歌

杜文貞公遺像

張瘦銅屬題錢秀才畫鍾馗嫁妹圖

聽畫和瘦銅

采蓮曲

和瘦銅積雨十二韻

夜齋次夢堂先生韻

宋文丞相遺像二十韻



宋文丞相賦詩二十首

文獻公夢堂次主韻

味爽園詩雨十二韻

宋詩

無韻味雙融

東坡詩集賦詩次主韻

林文貞公賦詩

樵文酒齋亭小佳賦

燕氏日終雨山中丞士燾味爽園齋唱味其學字詩

同平小東山田前賦

兼王榮守春魚何南刻詩賦其里樂刺前恭

有正味齋詩集卷五

錢塘 吳錫麒 聖徵

翰苑集上

雜詩十二首

天馬西極來權奇待殊賞風塵久困躓櫪下首頻仰但回一顧  
恩輒奮千里想誰能芳草歇不望玉禾長努力事脩途落日休  
慨慷

耿耿閃寒燈淒淒守貧女怒然朝忍飢勉爾宵願杼三日五匹  
成龜手可憐汝秋情已如絲草蟲爾何語

良辰啓文譙高堂會朋儔華燈照中座右揚清謳雲雷奉奇  
旨方圖薦珍羞纏綿故人意珍重要路游願申中鬱陶藉畢心  
獻酬神飈激涼吹碧樹紛已秋烟消燭房歇露下舞榭休笙歌



猶在耳泊然歸山邱  
南園卉植繁中有不秋草涼雨立蕭森嚴霜凜寒皓豈無桃李  
姿能競豔陽早盛時先自炫顏色那得老榮華在本根虛心聊  
自保

士生山水區動羨烟霞境振策散奇懷每造猿鳥請明月頂上  
來和身墮蘿影風虛響時肅境稍心屢警遐思高志人豈在守  
箕穎登霄鸞翅修隱霧豹文炳耕釣可終身天下爲引領

獨立蒼茫裏四顧誰晤言迢迢念古人荒荒見寒原惟聞白楊  
樹悲風吹黃昏自非王子喬安能謝塵樊揮手跨鶴去前導雲  
旗翻至今緱山路人疑笙吹喧

呢喃雙燕子營巢各東西遠銜沙洲草近啄濁水泥不羨華屋  
好但戀茅簷低富貴迫危幕貧賤安故棲長願與主人百年壽

命齊

黃河天上來其勢本北注東之使南行奔騰遂善怒砰磅駭晴  
雷混漭涌素霧帆檣泝來程波濤激後路蛟龍暗睨人馴致多  
方誤一壺怵千金輾轉生恐懼徒抱濟世心望極中流樹一歌  
行路難再唱公無渡

霜氣薄鷹背風色刷馬毛天秋塞草低日落邊笳高身馳交河  
道目注長城切青苔閱今古難使白骨豪英雄各有志何以酬  
孟勞

明月照曲巷紅樓中有人不見馬上郎但見馬後塵一朝葑菲  
棄永割恩愛親舊雨不如今故衣安得新已落鏡中色敢歌陌  
上春賤妾固已矣勗哉君子身  
昔游嚴陵瀨遠望金華山羣羊互騰踴各各凌孱顏風雨倏忽



生疑是初平還驅之逐隊走出沒金光間神螭安可駕螻蛄徒  
思攀玉童來致語贈我石可煮謂立三千功終當迎接汝寒暑  
歲易更靈丹幾時成綠波盪海月脆若琉璃聲王母坐紫宮霜  
落蛾眉驚呼龍種瑤草昨夜桑田平  
灼灼芙蓉花託根在清池微風荷披拂馨香宛在茲誰歌仙人  
篇臨流欲招之白露皓已盈珠重難自持甘守君子性逝與秋  
水期

同陳寶所給諫

鴻寶

朱春浦司業

蔡元

景澱江考功

江

錦

游萬泉寺四首

同用遊

萬泉

寺四字

為韻

寫此秋士懷曠然于野謀十里暗蘆葉乘車若乘舟倏忽塵土  
夢吹落江湖遊空明見水態挂向高樹頭不知人烟生但露茅  
茨幽雞犬靜不聞禾黍香更稠行行路漸近鐘聲出僧樓

寺門外有泉環以樹無萬曲折凡幾里到此乃一頓居人饒種  
植花香藕亦嫩踏藕我方來紅衣已先褪似憐髻上塵涼沫為  
屢噴七椀借僧庖且煩暑茶券

沙彌導客去一徑松栝穿怪鳥啼我後石獸蹲我前下有陳死  
人家高象那連百年富貴骨一朝蔓草纏豈無諛墓文煌煌功  
德傳風雨不相惜龜趺沒寒煙魂魄縱有知安能到酒泉我今  
不痛飲明朝已華顛  
行樂須及時濁醪亦既醉颯然涼雨生水風不可避陰晴殊俄  
頃萬象入淒異菰蒲散餘聲雲霞聳晚翠秋色來何方天涯緬  
迢遞芒鞋謝樵牧高蓋擁車騎徒聞招隱書遠辱故山寄歸聽  
草蟲鳴催夢落僧寺

九月六日雨中同衛訥梅

德威

舒古廉居荷莊

念祖

集



寓齋分詠重九故事得催租吏

宛然潘老苦吟時風雨瀟瀟客到遲且喜催租無小吏不妨就  
菊賦新詩人能送酒門煩叩家本無田稅可知何日荆扉相對  
掩故園兄弟懈同持

花窖歌

東風十日吹人倒撲面黃塵飛浩浩過雁猶啼冀北寒懷人但  
唱江南好菜畦縮甲木不芽閒愁鬱結無由開鬪雞芳草釘徒  
酌花戶油窗夢屢回比鄰侵曉佳招及相見交催馬蹄急城隍  
列雉幾里沿徑轉修蛇一條入到門但聽蜂聲邀已有香氣空  
中飄車帷閉置憐新婦金屋安排羨阿嬌通明繭紙糊木素密  
眼重簾織蘆護焜火深房活燄通培泥小墜陳根傳一重一掩  
曲更斜闖然走入東皇家權分戚里移春濫豔奪宮人剪綵花

張機上織朝暎倒射晴一窩陽春有脚句留多畫旛預遣封姨  
避窟室先熏鄭伯醜自誇老作灌園長好事時來貴人賞催趨  
花風廿四番消除白髮三千丈挽回造化同兒嬉此術豈復人  
工知仙家縱有鶴林跡遷客徒詫藍關詩好枝次第春堪揀識  
得嬋娟要青眼夕照馱歸下澤車黃金費却中人座聞言令我  
生咨嗟吾鄉花事西湖誇韶華豈用一錢買矜寵何曾九錫加  
吾

皇重稼咨田畷日爲蒼生念飢饉長吏能敦鄭白耕相公不許  
姚黃進似爾機智矜鬚鬚厥咎毋乃爲木妖生香活色何從見  
冶葉倡條那足描行看澤布陽和早到處春光任幽討簪帽  
來聽上苑鶯搗尊去藉豐臺草天喬滋長總由天本厚還須得



氣全羯鼓一催譏作俑唐花名字至今傳

丁香花下懷相圃春漪

苔徑微微起晚寒無人花下共憑欄一分已覺堪憐早百結緣  
知欲放難容易愁生偏我伴尋思畫出寄君看不須西向長安  
笑春色江南似海寬

晚自西郊投清梵寺宿次陳伯恭

崇本韻

陰晴渾不定水氣雜雲光泉繞鷺身白雨生荷葉涼樓臺天字  
矗禾黍野田香我欲諮禪去鐘聲出上方

散館蒙

恩授職編修恭紀

青氈落拓愧平生黃紙傳宣荷

寵榮弟子職纒辭北面秀才官已重西泔草茅得竊非常遇文

字難翻本分名長幸簪毫依

舜日此心惟願作葵傾

移居用樊榭集中韻四首

巢痕根觸雨風餘一歲長安屢卜居但與虛舟同泛泛何須夏  
屋計渠渠樹陰綠處安新榻梅子黃時憶故廬滿眼雲山圖畫  
在臥遊便擬狎樵漁

功名三十未華顛人羨登瀛似列仙菽水光陰南去夢妻孥消  
息北來船纜成薄宦偏多感却為新居屢損眠祭竈明朝謀一  
醉典衣先辦酒家錢

插架圖書整復斜不多家具也堪誇尋僊蠹老爭千古釀蜜蜂  
豪聚百花三豕訂訛求善本一鴟修費借鄰家他時夜讀聽兒  
輩瀉水聲多莫厭譁



閉門剝啄喜無聞  
破硯枯碁罷策勲  
酒後但論吾輩事  
胸中要有古人云  
好留苜蓿常供饌  
豈羨芭蕉易出羣  
鄰樹不須誇借蔭  
一枝我已上林分

九日夢堂相國招集獨往園和施耦堂侍御學濂韻

一雁遙翻日影來  
雨風齊罷共登臺  
相公亦愛閒居樂  
佳客真成獨往才  
白髮紅顏珍晚節  
黃花紫蟹勸深杯  
多情憐我狂名在  
馬上欹斜醉帽回

荒莊感舊圖歌 并序

明嘉靖中張莊僖公劾嚴嵩父子伊王典樞為一代名臣暮年其弟侍郎公為築室菱湖極一時裙屐絲竹之盛世所稱四雨莊是也今已為禾黍之區舍人墳為侍郎公六世孫繪圖以紀之而屬余賦其事

余家本住吳興里近徙錢塘百年矣一船風雨過西陵年年麥

飯棠梨裹 全家祖居烏程有莊在西湖村歲時掃墓每宿于此

舍人生長姑蘇臺淵源乃是菱湖

來却思先世釣遊處  
兩家鷗鷺無相猜  
比來同在長安住  
祖德重看後人賦  
一幅圖開四雨莊  
呼余來認茗溪樹  
茗溪清遠多釣家  
門前流水足魚鰕  
飯香酒熟門不掩  
好風吹落溪頭花花  
飛直過前村裏  
略約一條橫  
跨水桑柘陰  
中曳杖來無人  
識得尙書履尙書朝  
內有聲名袖裏彈  
文四海驚權相  
驕王俱膽落獨盤  
一鶴唳秋清  
此莊誰為經營好  
哲弟侍郎歸更  
早豈少機雲才  
調傳竟容求  
黠山林老百年  
無復數清門  
久矣天涯散子孫  
蘿橙蟲啼塞  
白日柴扉草  
長掩黃昏舍  
人感舊尊  
前說指點溪山  
重識別午橋  
零落子欵欵  
丙舍荒涼我  
嗚咽白蘋洲  
上可垂綸何日  
仍邀作比鄰  
一畝先人敝  
廬在與君同  
賞綠楊春



題羅兩峰鵲仿東坡墨竹

一竿老秃態轉適一竿搖綠烟未收其旁孫枝抽瑣細嫋嫋似  
帶秋風秋坡公畫竹具竹理後人貌似非神似湘娥有淚不肯  
彈幽谷荒涼紫蘭死兩峰子足繭千山萬山裏日與此君親能  
得此君髓滿窗風雨綠玉橫夜涼不覺清聲起醉墨淋漓尙未  
乾儋州當日見來難三錢為替雞毛筆寫出脩脩鸞尾寒

鳳城新年詞四首

日射孤稜曉色鮮東風未散六街烟太平偏是兒童解鼓打春  
聲面面圓

郭外輕車響似雷風前繡幟有時開

君王明日親祈穀小隊紅粧看象來

春風吹過市聲齊人影衣香趁馬蹄骨董新攤燈又上遨頭都

左扇東西

牡丹纔折帶朝酣桃萼旋舒笑口含看到唐花春一色幾人紅  
雨夢江南

同徐鐵厓立綱于健園鼎戴可亭均元游法源寺歸飲

鐵厓寓齋同賦二首

春風吹老幾桺羅古事茫茫歷劫過碧血長成芳草易青苔畫  
出落花多鐘流佛閣聲鏗曼旛護禪房影颯磨為覓經幢重剔  
辭牆根半晌夕陽趁

塞驢欵欵共歸途良夕重開主客圖照我燈花宜酒食從君煙  
水話菰蘆吳雲越樹俱千里荻筍櫻桃又一廚容易東風增滄  
惻故人回首隔黃壚謂家純甫翰撰沈硯香編修

送春三首



不是山阿卽水隈一條歸路夕陽催離筵乞我今朝醉婪尾花  
開石首來  
落花飛絮滿煙波九十光陰去似梭蹤跡年年何處覓一回白  
髮一回多  
東風轉眼卽天涯我爲春歸苦憶家偏是禁人歸夢去江南一  
望綠陰遮

洗象行

玉河橋畔薰風動鏡影搖溶連蟬螻快馬通衢盡日馳香車夾  
道今朝闕紅旗導自象房來腰鼓喧闐駁若雷上巳稷宜人祓  
濯三庚浴稱爾恢京二十四象行絡繹突兀如山路爲窄眼膜  
矚動太迷離疥體鱗皴全刻畫蠻奴赤脚身手便牽引羣教赴  
玉淵真見截流能徹底忽驚蹴浪欲掀天翻身似與龍公戰貞

鱗堂互旋轉冥搜無際一渦深透出中央萬花賤歸然躍起  
陂塘高柳絲拂背涼騷騷竒姿陡發牙撐雪餘怒難消鼻捲濤  
宛同休沐

君王賜赤尉重裝瓔珞破騰驤豈許馬蹄驕蹴踏翻思戰場利  
古來教象作象兵異物亦知人性情海國刀橫朝斫陣吳師燧  
八夜燒營

聖朝無事惟馴養格澤騶虞共來往三品叨支上苑芻兩行慣  
立舍元仗歲歲春明故事循不須畫本爲傳神歸途一路崔魏  
影憶殺宮牆待漏人

顏魯公名印歌

精神萬丈光燭垣宋文二字蛟螭蟠浩然之氣在天地至今尙  
識顏平原生謁臣忠死臣職嶽嶽公名呼不得誰狀巖霜烈日



心如見握拳透爪力功德記田神功坐位帖魚朝容書成鼠尾  
健鈴以芝泥紅外而藩鎮內闈寺直欲鎮之方寸銅二十四郡  
義士死又聽鄭州鼙鼓起此身幸脫軋犂山此口難逃藍面魁  
羽衣蛻去碧草愁乘風身已歸羅浮仙壇小字空押尾桃花一  
笑三千秋泥沙洗濯寒芒紫鹿瀉血痕能沁紙吁嗟乎睢陽齒  
南八指常山之舌亦如此

題桂未谷韻溪山獨步圖

路自雲中入泉從竹下流樵夫不到處落葉幾時秋招隱鳥相  
喚忘機人獨留前溪多暝色風雨暮山頭

漢長母相忘瓦歌為張瘦銅賦

瑤宮櫛櫛銀雲流魚鱗密織蘭江愁苔錢繡地流紅錦六百鴛  
鴛泣秋枕棄捐羅扇歸長門冷螢夜照相思魂土香一片凝荒  
綠字與迴腸同九曲榴子斑斕心苦酸露華不瀉仙人盤白湯  
風起紅桐死銅輦淒涼殘夢裏夕陽瓦礫滿人間地久天長只  
如此

漢廬江太守范式碑額拓本

素車白馬紛紛走世無巨卿誰死友遺傳猶存獨行名殘碑不  
蝕千年後任城地本金鄉鄰君之故里留貞珉甘棠遺愛勿剪  
拜名字脫口猶鮮新其人雖不見其事請具陳孔仲山陳平子  
交友何曾聞生死二年之約千里等吁嗟元伯知尤深至今片  
石未磨滅我疑卽是平生心不見李膺杜密稱人倫激揚能使  
士氣振卽如君家孟博亦英傑甘以死侍龍舒君君名幸不覆  
黨人以清為秋和為春廬江江水照顏色共道太守真如神功  
名不在爭奇績今古山阿終寂寂餘淚猶揮峴首碑故人易槍



山陽笛

哭胡竹城

人壽良難比大椿中年何遽殞斯人功名蟣蝨難爭命風雨鴟  
鴞易愴神愁不能澆翻縱酒樂何如死竟抽身梅花百樹清泉  
繞今日林家許結鄰

盆梅

黃昏亭角月來時疎影看從紙帳移無夢空山等鶴伴倩誰縮  
本寫苔枝江南信息相逢早硯北光陰欲放遲消得屏帷好清  
福不愁故故側風吹

桂未谷以所藏山谷詩孫印贈黃仲則景七屬余為詩

記之

金華仙伯歸玉峰踏雲去弄青芙蓉詩孫未識是何代朱文小

印銅花封未谷得之不自有却付公家後人手後人詩好繼前  
人如向蘇門見黃九西江妙語誰討論心香一瓣今猶存公於  
此派為鼻祖後起母乃皆兒孫淵源況復同一綫豈謂工詩例  
貧賤夢中絲筆倘能傳但作詩孫吾亦羨乃公昔日淪謫多簪  
花白髮愁如何磯頭徒感新婦石天上自唱琵琶歌黃生黃生  
今年少年置身合在青雲邊肘金如斗亦容易蟲魚不用窮雕鐫  
春燈搖綠杯浮蠟座上如君能有幾我歌便欲索君詩還乞芝  
泥紅押尾

上巳集周載軒編修原轅清遠室分賦梨花得之字

偶得味外賞停觴對幽姿好風吹雨來日夕膏沐之託志在貞  
素容華非所期娟娟洗塵蹤獨立春陽時蝴蝶滿南園不惜東  
西吹芳情未可竟誰賦靜女詩豔雪動新眷流雲還舊枝垂簾



覓遙夢月落空長思

蘇文忠公定惠院月夜偶出二詩草稿翁覃溪學士方

綱以摹本裝冊索題用元韻二首

去年明月峴山亭今年明月黃州夜先生謫官心自閒飛逐蟾  
光時上下當空正聞鶴唳發快意安得鳧花瀉逡巡佛座燈火  
明掩冉禪幢竹枝亞孤懷自覺古人好詩境還從老僧借每憐  
鬚鬢漸衰白肯使才華先退謝平生豪氣闊湖海夜半高歌動  
鄰舍拈毫何必傲來禽飛翰真如舞干蔗但愁攻玉玷未除豈  
血塗鴉醜可怕詩成一笑天宇寬舒李區區安足罵

蘇齋兀兀思坡仙終日清吟坐忘夜雙南流落良可惜寸管臨  
摹敢輕下槎枒芒角當胸橫歷亂珠璣滿盤瀉精神欲挾三昧  
出真蹟何疑一等亞於今明月亦依舊當日光陰不容借千年

鶴化詩僅存院裏紅棠幾開謝紛紛過眼盡雲煙草草閱人如  
傳舍我詩自笑添足蛇公作堪憐斷尾蔗遺篇傳寫亦云幸沒  
世無名吁可怕如余草藁幾牛腰一錢不值憑人罵

題鄜湛若硯銘并洗硯池字拓本

硯銘鑑天風吹夜泉五字下有  
明福海主印今藏王蘭泉廷尉

君詩乃在瀟湘洞庭開美人老去荆蘭顏乞歸一勺楚江水手  
洗芙蓉不肯附此硯從君共往還此池流水日潺湲海南遺字  
剩風雨太息崎人閱歷艱高莫高於鴉咋山遠莫遠於鬼門關  
天令絕域顯文字銅柱手剔苔花斑壺笙蘆管盡收拾記成赤  
雅誰能刪藍胡二月歌羣蠻彈娘妙舞搖花鬢鸚之鴉之雙活  
眼見君手畫蛾眉鬢歸來抱琴死忠義片石寂寞留人寰招君  
魂兮渺渺石有淚兮潛潛雲車霧駕安能攀天風颯颯夜泉起



明福洞邊聞珮環

文丞相琴歌

琴為關中何氏家藏上刻文山詩云松風一榻雨蕭蕭萬里封  
雖不寂寥獨坐瑤琴遺世慮君恩猶恐壯懷消後題云時景炎  
元年蒙恩遣問召入夜宿清原寺感懷之作譜于琴  
中識之梁斯儀同年上回拓其文以示余為作此歌

上絃謾謾松風鳴下絃汨汨乃作匡山之海聲當時一彈再鼓  
處山石欲裂天為驚永嘉道出清原寺雨黑燈昏不成睡手揮  
行篋七條絃詩寫孤臣兩行淚泣山鬼兮雲沉沉感君恩兮波  
深深哀哉丞相琴即是丞相心糝羹尚記板橋道麥飯誰哭冬  
青林景炎時事可知矣空抱壯懷猶不已五坡嶺零丁洋可憐  
道路摧肝腸何如清原山中留宿夜清商一曲龍吟長生在南  
天死北地流落孤琴舊時字故友惟留玉帶生西臺已碎竹如  
意吁嗟乎壞漆淒涼五百秋茫茫誰刺海濱舟高山流水臣心  
匪仍佛黃冠故國遊

趙孟頫小印

鷗波亭畔鷗夢空王孫草綠烟濛濛琴心誰記大雅字紙尾剩  
押芝泥紅西風禾黍成陳迹此印珍於三品石相卿祇是秀才  
官堯山堂外紀元生見其儀貌非  
常密室閣中相之曰秀才官問姓傷心天水碧何處春風對仲姬道  
場山色寫蛾眉粉奩別有風流在一例朱絲倒好嬉

十月九日夢堂先生招集獨往園作展重陽會

有約登高補舊遊相公佳話重林邱諸峰紅樹新添醉匝月黃  
花未了秋時十一  
日亥風意較寒防落帽笛聲何處更登樓豪吟忘却  
歸途晚雁外斜陽一綫留

覃溪學士圖蘇端明遊迹四幀索題四首

黃樓

長洪萬頃接樓前人去樓空六百年白酒黃花幾重九羽衣明



月一神仙憤王何處等祠廟水伯曾來聽管絃五丈大旗干柄  
錫關心憂樂是前賢

雪堂

兩年衣食得粗安辛苦營堂及歲寒月小恰當門口出雪奇常  
就畫中看此身只願東坡老有婦堪謀斗酒歡蠟燭高燒風雨  
夜對牀兄弟話團樂

白鶴峰

蹤跡平生似雪鴻移居三月太匆匆峰頭白鶴難留客地下朝  
雲定與公萬里夢每歸路遠一篇文剩上梁工分明愧殺宵人  
輩若值烹羊告奠豐

載酒堂

三畝分來水木村黃柑丹荔密遮門多情海舶書千卷接閩上  
黎酒一尊蛟鱷波濤隨地湧桃榔風雨接天昏祠堂今日諸生  
會誰是黎家舊子孫

和瘦銅初寒新葺小齋詩

閒房料理約消寒叢雜琴書一榻安花戶油窗添眼亮竹籬茅  
舍最心寬酒家拚欠錢常債座客難分大小冠十月開爐應有  
例好催茶把送園官

十二月十九日東坡先生生日覃溪學士招同人真酒

蘇齋宋芝山同年蘇醇畫李委江上吹笛圖各題一詩

山嶸嶸兮赤壁磯曲孌孌兮鶴南飛先生高帽披羽衣李委紫  
裘仰以睇穿雲裂石聲庶幾乞公好句公勿違二十八字妙墨  
揮風寒日落醉未歸歸時漁火江心微七百年來此樂稀蘇齋  
今夕開書幃拜公遺像室有輝或著屐走衝烟霏或索花笑拈



芳菲是日學士懸公像凡數幀冥茫更發造化機笛聲透出蘆之碕鷓巢下俯

樹十圍狀公危坐高巍巍花豬食少瘦不肥憂讒彷彿聞桑歛

西風撼木妃呼豨口變蕙苡成珠璣不逢堯舜居宮闈湯火那

逃羣小誹命官磨蝸搜世轍桑弧夢卽通蠻畿方今斗奎人所

希文章精氣彌八圻條而來下揚雲旂踏赤鯁公是邪非江光

欲起月上扉百東坡在吾安依

正月五日耦堂侍御留同張鄂樓形小飲寶石齋顧章

田比部震繼至同用耦堂男字韻

新詩來往遞雲藍咫尺芳鄰接巷南勝日斜川難得再開賓不

速恰成三米家有舫皆書畫酒國如余視子男吟到黃柑青韭

句但聽下筆響春蠶

毛雨香舍人鳳儀就居王文簡公古藤舊廬招同李味

莊廷敬王紫宇春鼎何南陔循胡淇厓榮陳伯恭諸同

年小集仍用前韻

幾箇門生青出藍已誇衰屐盡東南此間老屋藤逾古我見于

今主易三感舊人難知甲子讀書君又課丁男花開似錦須珍

重辛苦從前作繭

燕九日孫補山中丞士毅招集寓齋卽和其疊字詩韻

風光次第好春回會續消寒許更陪才子幾人持節鉞神仙一

樣愛尊疊明燈綺席銀花落舊句已衣錦布裘君是丹砂牀上

容刀圭乞與換凡才

謝文節橋亭卜卦祝歌

謝侍郎自從信州不守趨建陽橋亭賣卜卜何事乾坤到此俱

茫茫惟有一片石與之偕行藏此身拚爲趙家死此硯千秋歸



謝氏捲起屋山百丈濤紛紛吹作硯池水朱鳥化去白雁來君  
家義士哭西臺可憐市上垂簾日陵畔冬青花已開吁嗟乎三  
寸舌不可說一腔血不能滅車馬誰將龔勝迎雪氈肯學蘇卿  
齧萬里行行采石磯山河破碎淚沾衣久拋此硯橋亭路瓦礫  
斜陽秋草肥摩挲重在孤燈下蟠鬱蛟螭寒氣瀉問石難尋卜  
卦人作銘誰是采薇者轉茶坂頭夢不回憫忠閣畔靈當來當  
時却聘書曾寫遺墨氤氳萬古哀

杜文貞公遺像

兵戈滿目感時危瘦骨高顴心自悲千里麻鞋豺虎險一身飯  
顆鳳凰飢君臣正氣存風雅妻子空山哭亂離廣廈萬間徒有  
願更無人寄草堂賞

張瘦銅屬題錢秀才畫鍾道嫁妹圖

鍾進士汝居終南山日對芙蓉縹緲之仙鬢於鬼爲伯仙爲頑  
胡爲婚嫁猶未畢青衫破帽游人寰彼美人兮粲玉顏千里不  
辭道路艱烏犍一隻遣嫁去阿兄奩贈何其慳其旁一鬼捧羔  
雁想見蹇修辭令嫺錢生圖此當午日丹砂染出朱脣殷行屍  
走肉共遊戲壻鄉度亦非人間誰其主者氤氳使歌以侑之菩  
薩蠻艾葉帳石榴環小妹往阿兄還

聽鼉和瘦銅

跳波鳴得意水氣雜清渾古寺魚聲續前村雨點繁淫哇傳鼓  
吹科斗長兒孫損我池塘夢連天芳草昏

采蓮曲

采蓮復采蓮蓮花滿波面風露浩漫漫日暮人不見不見采花  
人但聞花中語蓮花慣識儂蓮葉可憐汝葉葉花花高復低采



蓮人逐水東西可能花紅如臉媚可能葉綠與鬢齊中流風起  
吹花側曼臉柔鬢藏不得載取蓮花滿畫船女兒爭似花顏色  
涼生細雨搖綠紗鴛鴦只在女兒家但願朝爲比翼鳥但願夕  
爲並蒂花花開還結子絲絡成連理子多苦自在心頭安得絲  
絲常不已去者日逝者波秋風來將奈何采蓮女兒倚欄歌手  
挽長帶垂纖羅折花防刺手臨鏡自窺蛾不愁風浪隔前浦只  
愁明鏡掩衰荷大隄驄馬年少子褱鞭直入斜陽裏平生買笑  
向青樓何日看花過綠水小姑愛花紅大姑愛花白紅白從教  
蕩子看天寒褪盡衫痕碧采蓮不知歸采菱菱已稀行雲波上  
自來去阻住歌聲不肯飛美人空斷腸流水年年香栽花不及  
藕悔嫁汝南王

和瘦銅積雨十二韻

過雨陰猶積連宵滴更繁炊烟迷樹杪砌水響苔根盡隨石相  
逼魚龍勢欲奔人徒占甲子天只易黃昏簷竹千條直街泥一  
尺渾篷聲牽舊夢屋漏篆新痕古巷稀聞屐先生合杜門兼旬  
真目極小住亦眉軒曲港平田合高荷大芋喧引蝸隨壁綴防  
蠹逐書緜涼覺羅衾薄香須石葉燔素心吾輩在好約翦燈論

夜霽次夢堂先生韻

殘滴尙簷際月生何處山徘徊中夜久窈窕片雲閒秋色看高  
樹明河遠故關濕煙流不盡隱隱翠微間

宋文丞相遺像二十韻

有大版元年五月  
周忠介公題名

人生皆有死但取此心丹汗簡千秋在遺容再拜看秀眉與長  
目古誼復忠肝聲伎捐除易英雄號召難中原無土地滄海更  
波瀾花鳥西湖盡烽煙九廟殘全家罹虎穴微命託樵餐半壁



難存趙三年未報韓橫江來白雁歸計失黃冠帝哭冬青冢臣  
悲皇恐灘王孫鷗影斷師相蟀聲寒負愧寧逃史成仁信蓋棺  
稜稜冰硯剩續續寶琴彈異代誰同調題名誌肅觀對公雙淚  
落念國萬憂攢緹騎南天下淒風北寺酸刀砧戕正士社稷殉  
中官共有青編重安能碧血乾頭顱紛義侶竹石激哀湍明月  
遙相照蛟龍夜鬱蟠

有正味齋詩集卷五

有正味齋詩集卷六目錄

錢塘 吳錫麒 聖徵

翰苑集下

辛丑十月移居蒲褐山房卽趙天羽給諫寄園故址  
移居以來同人多以詩酒相招醉後成篇仍用前韻  
施耦堂侍御和余移居寄園詩二首雪中杜存出以見  
示仍疊前韻奉報

佛手柑十六韻同于健園同年作

歸鴉

題裕軒學士 圖點布 蔬繞亭

長椿寺滲金多寶塔歌

至後大雪用東坡聚星堂雪詩韻



雪後霧淞大作連日不止疊前韻

題吳仲圭墨竹

東坡先生生日覃溪學士招同人謁公像於蘇齋用小

坡斜川集中大人生日韻五首

元夜值雪耦堂招飲同陳寶所給諫作

元延銷歌

遣妻子南歸志別六十韻

題畫螭

雪後同祝芷堂先生曹習庵仁虎周敬軒兩前輩趙穆

亭大理承杰集陶然亭分韻得松字

夜集趙穆亭不自棄齋分韻得與字

題蔣仲和和傳箴圖并序

桂未谷司訓自濟南以所得醉鄉侯舊銅印寄贈賦此

奉謝

題王文簡公載書圖四首

臘月七日胡書巢太守德琳王若農少府尚珪招集寓

齋分韻得宵字

鄭公鈞臺圖用程尊墩舊韻為程易疇孝廉瑛田作并

序

雪羅漢二十四韻

冒風出右安門看花作歌

禮闈分校卽事五首

題洪上舍鍾畫藝梅種竹圖送程魚門編修卜居江寧

二首



宋芝山孝廉畫藝梅種竹第二圖再送魚門二首

紀事三首

題周韓江心穀納涼圖二首

魚門將由陝西而南病卒於秋帆中丞署中賦詩志痛

三首

題趙味辛舍人懷玉春湖晴泛圖三首

宋孝宗書紙扇真迹

哭施耦堂給諫二首

題黃仲則遺詩後

程松門畫漁洋先生夫子亭第二圖桂未谷自山左寄

京師索題

有正味齋詩集卷六

錢塘 吳錫麒 聖徵

翰苑集下

辛丑十月移居蒲褐山房即趙天羽給諫寄園故址

我本識字耕田夫一椽家住錢塘湖自從釋褐注朝籍破屋久

向長安租一年官俸抵不得打門那免人追呼中庭更無草木

映如人面目先焦枯昨晨過客為我說有屋乃在城西隅寄園

名字耳所熟况復價減千青蚨天寒手指凍欲裂移家連日忙

妻孥莫謂先生家具無有酒在寒書在厨蹇驢一頭車一輛從

以赤脚長鬚奴人門老樹相顧笑此間去住皆酸儒趙家給諫

老著述墨痕四壁常沾汗當時談空說有處滿窗落葉啼飢鳥

從來名士尤作達於此但結文字娛村夫子相誰不識今朝又



入移居園牆陰手剔故人迹尚剩健句追歐蘇壁間有王蘭泉大

生自喜道不孤檢書插架酒注壺飲酣一吸盡江海歌罷萬籟

調笙竽人生大抵如寄耳能寄所寄唯吾徒欲從莊叟論齊物

誰信柳子非真愚來春坐待花樹發繁枝壓屋清陰鋪開簾無

事日把卷何必更憶秋江鱸

移居以來同人多以詩酒相招醉後成篇仍用前韻

三家村住非村夫往時王蘭泉大泉賢翁學溪諸祠與前詩人豪氣吞江湖

滿城風雨自吟呀閉門不怕人催租十年舊事等雲散求友但

有禽聲呼我移家來已歲暮蒲萄一架虬藤枯林間殘雪未融

釋瘦日初上東南隅請鄰尙少菊後酒迎富那得飛來蚨何如

西湖處士宅梅可作妻鶴可孥先生自笑長物無炊烟不起塵

滿厨東家西家邀我飲紛紛折齒來奚奴酒酣耳熱不得意高

談座上驚庸慮玉缸惜少翠袖捧醉墨不顧青襟汗自東徂西

歸路遠每聽城上三更鳥捫心清夜無愧怍能令衾枕生歡娛

明朝僵卧亦何害一幅自寫袁安圖陽春有脚無不到蟄蟲何

日能昭蘇旁人莫謂意太孤萬事已如冰在壺旁人莫謂宦太

冷一官已任風吹竿詩壇一席置狂客燕市五載稱酒徒得廬

吾自愛所愛避熱誰信愚非愚平生舊業相料理短榻尙有青

檀鋪菜根咬得滋味足豈要頓頓思尊鱸

施耦堂侍御和余移居寄園詩二首雪中枉存出以見

示仍疊前韻奉報

我詩不足當一夫君詩直欲凌五湖君投我詩似投玉我負君

詩如負租新居筆墨未安頓打門劍啄先催呼前逋未了後者

繼迅速有如風掃枯雪光映紙銀海眩白龍聖影騰天隅嗟余



誰爲潤枯管，貴酒苦乏囊。中缺詩腸竟日，轉轡轉欲典釵珥。謀  
妻孥爲答先生釵珥，無幸留斗酒藏中厨。尙堪客約光彥祖，何  
必米乞陶胡奴。吾儕例作文字飲，却令妻子嘲迂儒。醉來健句  
一傾瀉，落墨漫笑塗鴉。汗槎柯芒角出胸際，拊髀絕叫歌烏烏。  
是時將晚雪逾大，天以玉戲供嬉娛。開簾身似在江上，紅衣欲  
入漁師圖。稱堂有紅衣釣師圖邀君更復爲白戰，此詣便合追髯君。來我  
不愁羈孤，我到君能具榼壺。豪情相與諧，競病俗耳那足知。鐘  
竿插身本在冠蓋里，得暇便是烟霞徒。平生自笑有吟癖，世人  
何苦爲錢愚。送君踏雪出門去，茫茫十里瓊瑤鋪。遂初預訂結  
隣約，肯嗜北鯉忘南鱸。

佛手柑十六韻同于健園同年作

罷雨廉纖大千何處求，心帶合十猶堪辨。指尖每觸真香思，解  
脫未窺全相亦莊嚴。玲瓏可信非根鈍，錯落纔經試剪鋸。盤捧  
金仙前度記，船來珠海昨宵占。偏高價值初登市，不盡芬芳乍  
發奩。屈計西風剛候好，彈餘甘露尙痕霑。指頭誰悟三乘妙，鼻  
觀常如百和兼。宛爾掌開教果見，若爲笑徹待花拈。詩吟瘦句  
呈黃面，帳絡微熏穩黑甜。近翫却宜安，越瓊折枝曾許寫。吳練  
定逢奈女環，先贈但入僧伽袖。最快釀酒光陰，酬鱉菊點茶滋  
味，別酸鹹似渠清。意禪能證導我迷方，脫不嫌尙與伊蒲同供  
養。除將麝燈卽書簾。

歸鴉

甘將軍廟幾時回，歷歷村墟與水隈。亂點似兼殘葉下，寒空又  
帶夕陽來。蕭條何暇求巢穩，瑟縮還欣得樹隈。我是欲歸歸不



得鳥棲一曲怕相催

題裕軒學士圖帶布疏繞亭

丈人久息漢陰機日日亭前抱甕歸滋味一生根亦好青藍四面甲爭肥食單不用門生議木鐺能從老圃揮寫出杜陵詩裏景秋痕滿地露沾衣

長椿寺滲金多寶塔歌

不讀華嚴經不知佛富貴來向長椿寺裏游眼中但見金銀氣兀然寶塔森八觚光明面面金膏塗上摩殿脊下石級似有神鬼虛空扶鬢雲忽起迷處所殿上天龍行衙衙萬相全從一相參東鈴暗答西鈴語水阿師來何時日日飲水能不飢九蓮菩薩聖且慈要令功德人天知莊嚴多寶作供養日日照耀黃琉璃

判不愁為唐人出銀竭發帑紛紛填暗窟當時正色重江陵諫草

何曾彈佛骨一寺已一塔起日費鉅萬不得止大千轉運鐵圍輪空洞消沉舍利子玉熙宮裏冷西風催餉年年處處同回首銅僊齊掩泣可憐難救九邊窮如何翻怵君恩薄竟令兒孫一介弱興亡舊事老僧知話向斜陽宛如昨妙香吹老九蓮花古樹蒼茫喚夕鴉剩得天金明淨處一痕壞色挂袈裟

至後大雪用東坡聚星堂雪詩韻

風颯枯林無脫葉空明好試頭番雪人家何處爨烟低樵子不來行徑絕但留幾樹老鴉偎惜少一枝修竹折好句頻煩驢背馱疎痕易就貂裘滅龍公遊戲笑向天倒捲清寒身一掣潛聽裂紙蟬行沙細看膠池冰作纈鼻中安能忍凍涕座上真如落談屑平生雁爪印泥忙萬事風花過眼瞥南舍麝香北舍沽明年餅大今年說陽春妙曲和者誰有約道人吹怒鐵



雪後霧凇大作連日不止疊前韻

空際飛花復飛葉天遣梨雲補殘雪能教老眼看分明玉樹瓊  
枝兩奇絕豈愁步障易為迷欲插銅瓶不堪折朝陽時與照玲  
瓏幻影何從悟生滅裹來寒色作團飛吹出冰聲任風掣如珠  
串串挂駝髯似唾霏霏墜衣纈一林最愛著光明六出亦堪分  
瑣屑樹頭刻楮徒取鬧夢裏看梅祇成瞥天花要令青女散飯  
盃定容窮漢說忽然檐口踏翻多老雀歸來脚如鐵

題吳仲圭墨竹

癸五至正十年五月十三日梅道人

梅道人賣卜春波里得錢沽酒飲不已醉後槎枒芒角生夢魂  
飛渡瀟湘水一竿兩竿搖夕陽旁抽新筍三尺強胸中自有成  
竹任不妨紙上隨低昂雲溶溶兮烟蒼蒼南風吹來疎粉香却  
思今日是何日竹醉不如我醉長開萬樓中多墨賣動我相思

此君好年年風雨籟龍吟聽到秋聲較  
對此恍惚疑家山欲邀載酒入林去長鐘

十美人翠袖何日還  
初筍于其間

東坡先生生日單溪學士招同人  
坡斜川集中大人生日韻五首  
公像于蘇齋用小

招公為奏南飛曲赤壁當年跡已陳萬事總如藍尾酒一庵來  
對白頭人官逢磨蝎原多厄食少花豬敢厭貧認得百東坡宛  
在水中明月畫中身

吾杭遺愛說壽仙金鯽池邊好句傳祭竈請隣成往事淡粧濃  
抹有前緣一堤春水環花樹萬丈涼雲掃對田如此湖山如此  
客相思六百有餘年

眼中人物判洪纖君子由來眾所讒滄海此身稊米小青山是  
處劔芒鋸腕人蛟鱷何須怕名世文章未許謙一覺笙鐘聞枕



上枕椰葉黑雨風兼

有子追隨萬事寬頻教樂意上雙顴乾糟但學生黎法春夢都  
忘內翰年九華壺中添日月一編海外記林泉鳳毛麟角原非  
偶直接奎光照九天

遺集蘇齋久弄藏公來此地卽公鄉身從笠屐圖中見人在華  
嚴法盼望千古名成纔是壽一家才大孰能量瓊樓玉宇高寒  
處歸去乘風謁紫皇

元夜值雪耦堂招飲同陳寶所給諫作

傳柑好會踐君招絃管無聲雪亂飄玉宇人間疑月地銀花天  
上作燈宵得來冷淡詩逾健助以光明燭對燒一事尊前拋不  
得新年梅信段家橋

元延銷歌

銘曰長安供厨銅三斗銷卅夜萬廿  
重十五斤八兩元延元年十月造

篆書螭扁稱近古銅文今見元延元迴環三十又五字受三斗  
許視上尊長安供器有程式斤兩一一銘款存孝成失德盛女  
寵嗟十月造霜已繁關門牡飛不知警屬車豹尾承君恩蘭肴  
不飽燕燕腹後宮啄盡諸王孫此銷那免辱金辱禍水所漬銅  
花昏昨年出自新鄭野日銚日銷紛紛論我無尚功原甫癖不  
辨敦高盤盃獻樂無事日宜酒食對月滿注村醪渾五侯之鯖  
何足數用代老瓦田家盆

遣妻子南歸志別六十韻

忽忽仍爲別茫茫愧此軀養猶虧菽水情敢計妻孥送汝臨厓  
反愁余對燭孤經宵迷短夢得句託長吁仕宦中年近長安老  
屋租與偕聊慰藉卽事費枝梧破壁方酸雨迴腸只苦茶但教  
相料理差可解煩紆時際讎書役因之入直趨



聖人搜禹簡下士濫齊竽藜火分星杖奎躔接斗樞風雲高閣  
護天地大文敷領袖推元老追陪仰碩儒詞先分皂白字肯恕  
焉烏退食常中昃留賓得小娛魚鰕謀設饌櫻笋促開厨撒薦  
從隣到持釵付僕沽身親操井白客其醅醒酣辛苦誰堪替艱  
難爾善圖諸男都宛宛嬌女最愉愉眉目差如母衣冠漸學吾  
長成真倏忽婚嫁亦須臾自笑生涯拙終難涸轍蘇人皆援以  
手已獨集於枯齊物希莊遠談天效衍迂一場看傀儡幾齒問  
樗蒲未要爭蝸角徒然守鬼株移家剛昨歲僦宅卜幽隅入畫  
村夫子相從赤脚奴殘書無次第長物足胡盧人世原如寄茲  
園幸未蕪空腔撐老柳高蓋攤圓榆出寺鐘聲大題軒墨點麤  
及肩墻辟荔緣隙地瓜壺觸境思借隱呼兒且負芻擘船通北  
郭垂釣傍西湖社酒春雙屐縑燈夜一絢著書忘歲月閉戶頌  
唐虞甘旨承歡有周旋與世無何嘗羨簪裾胡乃負純鱸愁併  
絲連理勞牽尾畢逋本來炊似玉安得唾成珠故事謬臺築旁  
人債帥呼錢神偏契闊路鬼互挪揄磬質長生庫頻煎方寸爐  
持門空健婦笑士到樵夫重以庭闈遠兼須杖履扶望雲思故  
里竊祿愧皇都文采消鸚鵡歸心感鷓鴣箸籌煩款款俎代  
効區區爲勉

君恩報休傷子職渝力能擔定省身乃任勤劬倉卒謀行李妻  
涼轉舳艫半生龍出骨一曲母將雛齊樹哀蟬罷淮流落葉俱  
迎應歡弟妹到定慰翁姑紈扇愁搖影蒲團學結跌臨風懷骨  
肉吹雪上頭顱徐淑書能寄江淹賦孰摹銀河清淺在夜立爲  
踟躕

題畫蟬



江湖來往夢頻頻一曲爬沙換譜新有約黃花邀酒戶相逢青  
眼對茶人稻田漠漠斜陽路蘆葉蕭蕭古水濱解我清饒須大  
嚼不煩幾輩寫輪囷

雪後同祝芷堂先生曹習庵在虎周載軒兩前輩趙穆

亭大理承杰集陶然亭分韻得松字

凍禽噪客起去躡樵子蹤迴陽在林薄但覺雪氣濃杜喧無遠  
途境冷人不逢虛亭納萬象照面皆寒峰微茫日雲流衆峰欲  
相從想見薜蘿人瓢酌清滿胸寓目混真素葆心懷凜冬冰霜  
更何感有願盟青松

夜集趙穆亭不自棄齋分韻得與字

且其歡此尊流連燈下語不知門外雪夜半深幾許合好忘主  
賓醉意托雞黍卽境不爲樂殘年詎我與梅花夢見之風霰滿

天寒人不來白雲渺修阻孤懷戀朋觴萬事感躑旅修竹  
約可償茅茨卜深處

題蔣仲和和傳箋圖并序

仲和爲湘帆先生孫先生曾書詩箋貽其子婦汪且跋云吳中  
春杪余追婢心事殊惡加之目盲手戰棄筆器久矣夏初又將  
渡江愁一朝溘逝失賢子舍之望乃力疾集毛詩句祝其身康  
強子孫逢吉嗟乎自亡荆去我廿有八年家蕩然矣僅得此少  
婦倘天祐善人俾長養後嗣使吾家一綫不絕是則乃翁之私  
願也云云汪則仲和之母也後以箋授仲和仲和今居京師繪  
傳箋圖索題

兒來前兒不識爾祖兒聽爾母言爾祖龐眉鶴髮秀頰童顏吐  
詞出金石噴墨成雲烟十三經作鐵拄杖腕底鬱鬱胸便便我



昔來爾家爾祖謂我賢書我手中筆煌煌南雅篇身其康強子  
孫吉默祝忠孝延之天吁嗟乎爾祖一去今幾年白雲還山身  
已仙有孫傳硯亦足喜硯田田謂皆石田兒來前俾爾此筆世  
守焉清風累葉食報遠勝似貽爾黃金千吁嗟乎兒今毋去又  
幾年夢我譜入哀哀絃但留此筆在伴兒來幽燕人懷宛爾見  
明月何曾照到萱花邊母言在耳兒尙記母捨兒去兒誰憐鶴  
淚鵲啼心萬叠淚痕常清墨痕鮮

桂末谷司訓自濟南以所得醉鄉侯舊銅印寄贈賦此  
奉謝

十年燕市稱酒徒狂歌擊碎青珊瑚肘金如斗不足羨但羨有  
酒如醜醜嗟君與我同嗜好囊空慣脫春衫沾自從出作廣文  
去今我不樂聞提壺鯉魚昨爲致芳訊睨以小印銅花鋪醉鄉

侯字漢製古頭銜假我良非諛我遊是鄉熟能說風氣厚厚希  
唐真清風不用一錢買白月有約三人俱往者乘風之帝所鈞  
天大樂調笙竽酒酣命草甘液傳錫以湯沐非區區醴泉萬戶  
隸版宇釀國千里分膏腴青州拜從事天祿授大夫黃者宜封  
紅者友清斯稱聖濁乃愚眼中時覺天地小壺裏安知歲月租  
有鄉如此合終老得侯雖假聊爲娛方今六月例逃暑河朔有  
會相招呼夔頭捉醉試新格座上選勝邀被姝陶然便人是鄉  
去笑倚花影來相扶人生隨處著根脚四十那不知頭顱美人  
老去夕陽暮芳草沒盡黃公壚謂朱竹君前輩黃仲則明經摩挲此印三嘆息侯  
乎碌碌今歸吾無功舊隱在何處相思夢遠蓮花湖先生幸勿  
化鳥有進士大笑皆侏儒朝飲將軍飯暮飽金吾厨不如廣文  
夫子一事無買酒日日收學租秀才打門來問字麴生風味無



差殊胡為不自主敦槃此鄉讓我為華胥感君情重作詩報酒  
氣拂拂墨點麤詩成把棧復醉倒風雨那知人索通

題王文簡公載書圖四首

公子康熙辛巳假歸還葬怡裝載書以行其門人晉江朱敦震屬周鴻臚寫圖以記

珠槃玉敦集簪裾官職聲名若箇如不是禹鴻臚一畫誰知歸  
去只殘書

慈仁寺裏故人俱斷軸零籤賞不孤今日一尊誰送別白頭朱  
十早江湖

戴笠歸來有後緣夫于亭上手丹鉛百城坐擁非容易書庫經  
營三十年

聞道遺編不可收更誰壇坫繼風流吟詩我欲尋三昧畫裏垂  
楊幾筆秋

臘月七日胡書巢太守德琳王若農少府尚珪招集寓

齋分韻得宵字

蓬萊閣上賢賓主海月招來共此宵名士酸寒燕市酒宦途消  
長秣陵潮頭顛冉冉衰絲戀風雪忽忽短燭燒歸去梅花鄉夢  
遠早催粥鼓起禪寮

鄭公釣臺圖用程篁墩舊韻為程易疇孝廉瑤田作并序

歙縣富登渡有鄭公釣臺四字為元余忠宣公闕手書石刻蓋  
為鄭師山作也其事詳師山集富登釣臺記明成化間程篁墩  
為賦詩且於臺前作亭榜曰仰止慕其書裝潢成冊自題其後  
一時和者甚眾沈石田復為詩及圖以傳之今易疇孝廉追慕  
其鄉前輩復仿石田作釣臺圖徵余賦詩  
篁墩對面釣臺石忠宣手篆字盈尺竹密松深近少人登臨却



有前賢跡高風落落鄭師山仰止不見冰霜顏藤蘿畫掩老猿  
泣風雨夜捲長鯨還蒼茫識得孤忠意千古此臺同此字畫中  
猶是舊青山人間已閱滄桑事扁舟日暮寒潮生往來漁子皆  
弟兄一竿秋竹等閒把釣隱偶託先生名干戈滿地白日落天  
遣丹心照巖壑元家正氣仗兩公力挽千鈞一絲絡篁墩有句  
吟不孤石田之畫今更墓不知清水塘邊月能照富登村口無

雪羅漢二十四韻

巖陰朔雪深幻相西方託散花出天工犯冷展童龍戰退龍公  
豪力逞獅子搏木來無象中宛爾真形作身先試轉輪意不在  
行脚薦之琉璃床承以芙蓉萼點睛蘸金壺斲鼻運神鏢乳較  
佛圖瑩竅比渾沌鑿神心惕泥沾鎖骨訝玉削丈六白毫騰白  
八意珠絡入定夢可通渡海伴宜約何必三衣俱但少一鉢拓

塑窮劉鑿技畫仿貫休格經營見慘淡位置極斟酌是時顯色  
交坐覺慧光掠殘響灑芭蕉餘霏綴瓔珞石頽醉象蹲樹黑藥  
父惡四大盡空明萬象生怖愕澄觀哆笑口獨坐破禪縛非花  
非水因不見不聞若彼法誰上乘此界真極樂祇恐色是空乃  
悟今非昨滅頂朝陽升燃臍夕燈灼肉身付茶毘米汁化糟粕  
要作無我觀終受子虛噓歸歎望雪山紅塵何處著

冒風出右安門看花作歌

游春不怕東風惡出郭唯貪看花樂黃塵勃勃行不知車碾雙  
輪驟四脚竟穿沙路走修蛇漸聽花枝啼孔雀雀聲催客花底  
來枝上繁英五分著岡巒向背形勢異紅白參差精氣託和春  
常自影濛濛將晚但愁寒薄薄狼藉餘香苦被吹黃蜂粉蝶齊  
飄泊人生不飲良可惜昨看花開今日落落花爲席州爲茵十



千乞取金杯酌綠波浩浩天上來酒邊搖動琉璃箔流水浮花  
去不回回頭但有鷗如昨繁華過眼同一例日暮天涯感蕭索  
花神請作惜花歌權當青旛吾肯諾

禮闈分校卽事五首

江南春其

詔書來

詩自上海巡典  
試之命由江南至蕊榜掄英

特許陪刮白金篋皆慧眼量經玉尺定奇才羣公衮衮扶輪手  
此地明明市駿臺多少英雄齋吐氣星文天上耀魁台

若箇朱衣暗主張端憑白水矢心腸文章漫說新花樣閱歷方  
知古戰場能結我緣收鐵網欲登彼岸待慈航者番也得傳衣  
鉢重向師門執瓣香

升沉爭此一須臾黑白分明局上俱三尺積成埋筆家幾人證

到蓬仙圖天吳紫鳳愁顛倒木葉山花漫覬覦拚得荒莊同陸  
氏當年爲問有莊無

姓名誰稱碧紗籠無限淒涼爨下桐食葉聲消嗚咽裏落花風  
繁夢魂中媒勞枉費氤氳使情斷俄成亡是公我亦者般滋味  
孰肯教輕易葬殘紅

蕊榜旋看淡墨標城南尺五卽雲霄名繙梵夾題千佛箭激蓮  
花仗一驍寒士幾回頭欲白神魚昨夜尾新燒門前詎敢私桃  
李培植梗楠答

聖朝

題洪上舍範畫藝梅種竹圖送程魚門編修卜居江寧

二首

求田問舍計殷勤畫裏林泉一角分吾輩相思千里月天邊招



隱六朝雲古香不斷來春色晚節能彊視此君四百招提屋前  
後鐘聲和雨墮紛紛

閱盡烟雲笑底忙溪山勝處卽吾鄉有梅有竹開詩境不富不  
貧成草堂兩箇寓公同白髮謂袁簡一齊前輩一條古巷踏斜陽千秋著述  
添多少別後心情話更長

宋芝山孝廉畫荻梅種竹第二圖再送魚門二首

生面重開烟雨間梅香簇簇竹斑斑人如燕子巢新卜江有鱸  
魚夢早還名士古來稱白下全家此去靠青山十年氣短長安  
債先乞今朝畫裏閒  
幾朵峰環白板扉三間閣傍釣魚磯月明少妾焚香坐日落嬌  
兒放學歸樹自老蒼花自韻竹能疎瘦筍能肥幽居便是神仙  
府稱去聲得吹笙著羽衣

紀事三首

羽檄洮河一騎飛欖槍西望角輝輝不防回紇私尋釁聞道臺  
蘭正合圍官吏幾人猶曉夢

君王連日已宵衣最憐通渭城邊路野草深埋碧血肥謂前歲遠令李南瞻

父子死風雲遠護旃悠悠已報將軍度隴州羽騎自空聞蹴踏花門從  
古悔羈留死聲送到衣冠白兵氣吹來草木秋爾輩祇如蠻觸  
門枉教膏血染戈矛

免胄人爭望葉公果然幾日奏膚功梯空汲斷枯魚泣架險巢  
焚鷺鳥窮合有蟲沙歸劫裏卽看兵馬洗滌中師還得慰秦人  
願鏡吹齊聲唱小戎

題周韓江心穀納涼圖二首



萬荷花就水雲栽四面湖風葉上來買得刺菱蓮子賤湖心亭  
記酒船開

馬上朝衫白汗污街心冰盞賣喚呼老髯日日閉門卧心裏清  
涼畫得無

魚門將由陝西而南病卒於秋帆中丞署中賦詩志痛

三首

淚難垂處送行時愴我今朝淚獨垂纜出潼關來死耗轉悲燕  
市豈生離情緣頓了桑三宿別恨常懸柳萬絲身後不教遺憾

在九原那不感心知

謂中丞及王蘭泉大泉

米市街頭寬復寬可憐斜照易生寒門前我記頻停馬室內人  
誰視蓋棺留京適負雅稱名士債清華老博翰林官者番腹痛

經行處偏是通衢欲避難

說到長干要卜鄰只今梅竹畫中春百年天地誰非客六代江

山欠此人著述等身皆可久鬚眉合眼總如真竹西他日尋君

墓腸斷秋風薦白蘋

題趙味辛舍人

懷玉

春湖晴泛圖二首

蘋香在水水浮空十里黃吹菜隴風啼煞新鶯忙煞絮寫晴寫

得夕陽紅

紺碧蘿陰壞塔頽呀啞柳外鷗聲回羨君畫裏還看畫一路青

山過眼來

呼鷹臺上滿寒蕪如此春風省得無土步魚肥鞭笋白教人那

不憶西湖

宋孝宗書紈扇真迹

詩曰春雲初起拂青林冉冉因風度碧岑既解從龍作霖雨油然出岫豈無心後許選德殿書小印益高

時題畫之作



阜陵宸翰廿八字選德殿書玉章記西湖花鳥風正晴憂民却  
寫為霖意冰綃脫自龍女梭羅袖動涼涼已多君王不省班姬  
怨君王自喜大風歌孝宗春晴一日感詩神州同時猛士韓岳死誰為中  
原雪餘心剩箇清涼搖扇人符離之敗吾悲矣符離之戰邵宏淵謂衆  
原猶且不堪况烈日中從龍作雨思賢臣廿七載見垂衣勤毫端揮灑  
被甲苦戰乎人心遂搖動雲氣與民盜盜同為春荷花桂子春復秋重華宮裏西風愁  
扇紈零落那足道德壽笙歌感夢遊

哭施耦堂給諫二首

如我論交已十年更多老輩話從前紅燈綠酒無虛又流水高  
山感此賢柳巷雲荒秋燕壘柏臺霜老夜烏天天涯定約魚門  
雙歸向蓬萊會列仙  
齋閣斜陽石氣秋即看書畫不多留鶯花世界情為累蝦菜妻

兒祭亦愁四品新銜身後換君沒後始有撫一場舊雨集中收蕭蕭  
素旄江南去捲起吳波作淚流州知府之命

題黃仲則遺詩後

謫仙樓上謫仙詩如此才華可惜之廿載風花籠出骨萬言珠  
玉豹留支美人黃土今生歇才子閒情若箇知想見一燈秋雨  
裏通簪長爪苦吟時

京師索題

長山地是於陵邑桂君司訓今兩年只愁飢似陳仲子三日學  
舍炊無烟夫于亭讀阮亭記古歡仰止於陵賢尙書白髮老歸  
去豈比廣文無一錢菟裘營向柳泉口對面魚子山娟娟松聲  
竹聲秋不息每若吟出新詩然松門之畫此其二熟極乃見天



機全始看草草構拳勢諦視活活流雲泉中間三昧詩卽畫百  
首如讀慈仁鑄古夫于亭詩稿先生丙戌居里中作大名成周小文昭為板刊于京師慈仁寺今其刊本已不可復見矣詩今難得畫  
乃傳廣文先生有夙緣曉來忍飢餐蛾綠磬頭一簇當窗前高  
風豈慕伯夷築舊雨每感漁洋編令余展畫欲夢到鳴石鼎  
茶初煎

有正味齋詩集卷七終

有正味齋詩集卷七目錄

錢塘 吳錫麒 聖徵

暫假集

樓桑村

南宮訪沈梅村酒間話舊四十韻

光武廟

宿遷見桃花盛開二首

上巳日過秦郵作

白晝眉汪雪疆杰索賦

揚州春遊絕句五首

渡江

過毘陵訪趙味辛舍人皆遊坡公巖舟亭并訪洗硯池



遺蹟得詩三首

無錫舟中望慧山

姑蘇晚泊

虎邱三首

舟晚望石湖諸山

泛舟入南湖行支港中頗極幽趣

石門舟中

抵舍後作

登吳山

刺菱六韻

竹素園觀鶴同黃相圃河春渚姚春漪項連峯徐也陶

倪小迂分韻得七字

項秋子壩招集半舫喜雨分韻得迎字

晚泊蘆港

松江待潮

泖湖曲二首

憶張花農寶銘

舟過嘉興方筠亭同年林留宿郡齋與舍弟錫麟夜話

述五百言

幻居菴觀華嚴墨海歌并序

立秋日在嘉興泛舟遊東塔寺寺為朱買臣故宅其墓

在焉主僧出觀元雪菴和尚書八大人覺經墨蹟遂

飯於松月堂午後微雨掉舟入南湖登烟雨樓與諸

同年讌集得五首



曉過烏戍值雨

觀采菱

新申道中

庭桂始得消息

中秋作

翁家山道中

滿覺壠觀桂

法相寺

留餘山居

酬黃含山道士鶴見訪不值

秋江獨釣圖

立冬前一日項秋子招同胡葑塘清何春浩奚鐵生圖

孫半峯晉寧曹雲巢光緒項蓮峯魏春松成憲集壽

花軒餞余還京師卽席分韻

湖州西林村祖居感賦二首

泊白蓮寺黃葉下

松江訪任秋白大經時已之錢塘留詩志別

吳松道中二首

舟至吳閶值沈南雷儀曹世煒靈樞還南慰問諸孤立

然賦此

遊攝山棲霞寺

題管平原柳塘漁隱圖

舟發邗上二里許河路擠塞遂起岸至邵伯埭買蘆篷

船而行



魚溝大風

嶧陽值霰頗有雪意

旅述八首

晚至趙北口宿

有正味齋詩集卷七

錢塘吳錫麒 聖徵

暫假集

樓桑村

寂寂樓桑黯落暉迢迢古徑沮寒雲至今草木通靈氣終古英雄屬使君羽葆神風歸萬里草廬天意識三分臣家八百成都樹只少荒村後世聞

南宮訪沈梅村酒間話舊四十韻

風雪心寥落江湖影滯迷紆塗經冀北訪友又天西往跡徒鴻爪浮生信馬蹄十年同閱歷片席賴提撕救水貧為樂文章醜莫詆和將長句報評待短行批出手盧先得追塵蹇後躋計偕三月近行李一夫齋偶爾遭逢異因之出處睽先生猶玉質賤



子愧金閨爨歇梧桐淚巢移燕子泥美材煩製錦小縣聽鳴鼙  
強項交推令傷心半懶黎醇風馴魯雉險訟洞温犀庭喜凶鴟  
化閑無害馬稽君能扞抱負我乃困羈棲送鬼船空結箋愁筆  
懶提望雲勞日下放假趁冰斲舊雨懷殊戀官衙手重携似逢  
千里雁失笑兩頭抵陶令兒爭栗中郎女待笄君女許字余第四子知心稱  
鮑叔肅拜及萊妻蠹釀床頭發豚蹄竈下封通明燦蠟燭倉卒  
辨菹鸚飲入枯腸窄談將落月低故人半猿鶴新家幾棠梨竹城子今依梅村署中  
空甑了了消春夢勞勞憫夏畦虛名爭草木冷眼覷鳧鷖田水  
尋歸計雲山問故蹊時以歸田約見示漁船通北郭茅屋卜西溪密課干  
頭橘添修十具翠挂墻鉏笋鑿靠戶采桑梯茶沸吟饑蛸炊香  
報午雞仍應作鄰舍豈要戀簪圭約待他時踐襟和別淚題此

行將種漆洵美復歸蕙人誚棲棲者余懷渺渺兮前村何處宿  
一路鷓鴣啼

光武廟

莽莽神旗外滄茫落日寒冰澌流古渡麥飯供祠官雷雨昆陽  
陣星辰上將壇千秋精魄在龍氣夜深蟠

宿遷見桃花盛開二首

塔隱頽陽樹隱霞征車輾轆路三义春風作意矜顏色寫出吾  
家餅樣花吳公器有畫餅桃花注

司家橋口錦成圍可惜花時我未歸便到落花歸亦好孩兒蠶  
長鰕魚肥

上巳日過秦郵作

綠楊如畫絮成團山影中間野望寬芳草天涯三日禊桃花春



雨一湖寒佳人臨水滌衣早名士登臺屬句難卅六湖邊重回  
首夜珠湧出水晶盤

白畫眉汪雪疆齋索賦

絕無螺子描成樣宛似蛾兒蛻出姿竹密嚴灘看雪早絮迷隔  
苑出風遲緇塵自愧輕沾後清鏡相思淡掃時放汝若乘明月  
去春山叫遍有誰知

揚州春遊絕句二首

十年重覓玉人簫九曲闌前一嶺搖花底燈船花上月泥人光  
景是紅橋

衣香人影動相思詞李揚州詩莫向明湖賦秋柳人生最

好治春暗

渡江

東風分與一帆春照影俄驚老大身瓜步十年衝雪路楊花三  
月渡江人魚龍煙水看逾濶金碧雲山畫轉新欲問真源消息  
近乘濤直上卽崑崙

過毘陵訪趙味辛舍人偕遊坡公艤舟亭并訪洗硯池  
遺蹟得詩二首

東坡飛仙人萬里弄雲碧毘陵幾時歸一葉落蹤跡此舟本不  
繫此亭猶是昔花香草亦香水白鷗更白我來訪我友亦作卸  
帆客思公六百年去夢無咫尺

蛟螭隱深黑墨沼光蕩搖往時洗硯處風草吹蕭蕭人知真硯  
佳我信真手超湛然胸中水凝此綠一瓢淵源駕學海浩蕩通  
靈潮天空夜星出奎光望迢遙偶然泥爪託卽可吟魂招望望  
紗縠行依依顧塘橋



無錫舟中望慧山

墜空一磬圓梵徑白雲斷微露松翠高塔影表其半烟消樵客  
起日上棲鳥散九龍若迎人扁舟隔沙岸

姑蘇晚泊

吳語飛來耳畔徐晚春時節到姑胥漁夫約我夜同夢津吏笑  
人船載書酒幔茶檣花落後蓬聲燈暈雨來初清鐘一杵今宵  
聽幾箇寒山憶舊廬

虎邱三首

虎氣消沉鶴市荒東風容易客迴腸真娘墓上年年柳畫了春  
愁畫夕陽

水閣家家風幔開畫闌曲折粉塘迴治香輕似落花過快檣瞥  
如飛燕來

看紅看白數花枝傳唱朱翁樂府詞一半櫻桃一半筍送春云  
氣不多時竹垞翁虎邱見樂府  
一半兒櫻桃一半兒筍

舟晚望石湖諸山

嵐翠望在東牒子坐于西塔前鐘出寺橋外桑接畦不見幽人  
棲但聞幽鳥啼何年石湖月重照石湖題

泛舟入南湖行支港中頗極幽趣

穿橋小艇疾于梭明滅烟光潑眼過雙竹甯泥和蛻上一繩界  
水種菱多幽禽夕照黃筓畫浣女春風白紵歌甫里卜居應最  
近早來此地話烟波

石門舟中

送客風來帆影輕養蠶天好十分晴蘆三尺裏通蛙語桑萬葉  
中間翦聲沽酒雙橋逢市晚撈蝦斷堰有船橫多情偏是青青



草直接姑蘇一路生

抵舍後作

昨歌遊子吟今喜遊子歸陋巷滿芳草蝴蝶團團飛鶯花過三月似昔離鄉時但看門前柳長大今幾圍八門感衰落居有他人移我居極西偏老圃荒不治投家不相識欲進翻遲疑家人出窺客畧能識容儀十載望雲心不暇語其私上堂拜父母慚愧祿養違陽和動警歎被我皆春暉謂我在京華一日不再炊劇憐瘦腰領顧見長鬚髭虛名誤南北笑彼斗與箕安得十畝秫釀作春酒醜花香鳥更鳴壽親黃金卮宛宛弟妹行同是羊車嬉至今長兒女亦復能效之樹木有本根各自榮其枝嗚呼祖母王塵篋封遺詩我未視飯含慟哭嗟已遲西風一抔土先尅窀穸期悲歡各異事理之如亂絲悔此識字身不能把鋤犁

頗憶總角日展墓于苕溪百里溯烟水數椽見茅茨自我高曾前耕讀恒於斯松楸去不遠孫子猶來棲殷勤雞黍約舉動相提携東鄰看打稻西舍聞鳴機所託在畎畝歷習安塗泥是時身尚孩健若黃犢馳風雨荷蓑笠寧知病夏畦多收十斛麥此願未是癡誰令蔗鹿夢轉輾軒冕迷錦學官樣製芋諧時耳吹日在悔吝中不知受帛鞮光陰幾寒暑急箭何由追同時六七輩每觸黃墟悲亦有泰山雲布澤翔天達只我曲轅櫟荷免斤斧施方茲戢倦羽將求力東菑下溪旣莫營上腴又安希茫茫江水誓豈甘食言肥魚慕江湖樂雁思稻梁依負米倘可能百里吾何疲

登吳山

第一峰頭賦大觀攬身如鷲向空盤人烟白護千家曉竹雨青



浮四月寒鸞鶴清聲隨笛起江湖豪氣盪胸寬少年十廟嬉遊  
處點筆重教到石欄

刺菱六韻

菱童喧笑語來往踏波忙薄采翠尖出厥包荷葉香賣從湖面  
賤堆向雪羨涼嫩白憐新剝微甜足淺嘗風前移短筏酒外趁  
斜陽多少青腰種花開正滿塘

竹素園觀鶴同黃相圍何春渚姚春漪項蓮峰徐也陶

倪小迂分韻得七字

塵埃久辱神仙質照水修翎思一櫛露華洗竹夢初歸萬里風  
烟氣高逸揚州富估騎不去十萬腰纏致何術南飛曲罷腰笛  
迎昨夜騰騫失其匹相思篆寫青苔斑似答上天聲一一詩人  
苦吟偏類爾獨坐涼堂搖病膝鍊形空涉紫霞想自出深山少

芝才鶴田有券吾肯書置汝寮中容其七

項秋子埔招集半舫喜雨分韻得迎字

翠色若苔積密陰梅夏清琴尊會齋舫搖蕩烟波情催詩例有  
雨天亦厭久晴高閣尚斜陽隔林雲自生微涼動空際梧竹交  
相聲置身匪江湖宛聽蓬滴鳴瀾漫插秧水行起耕夫耕持觴  
相慰藉快作天瓢傾客既畧禮法主可忘送迎燭滅草蟲歇霽  
月來三更

晚泊蘆港

野水欲生雨響曳蘆之漪蘸涼鷺忽明涉淺帆屢移夕景墮烟  
際葉碧風交吹微聞菱歌起言就漁父炊晚蟬自爲語浩蕩秋  
在枝清我煩暑襟未遠空谷期蘿月懷窈窕絃指遙相思尊酒  
慰今夕天水同渺瀰



松江待潮

以身入雲水一席爭  
蔗風沿洄及中流  
潮落江烟空  
篙師就蘆飯涼  
葉梢低蓬斜  
景鷗外沒雨氣松間濃  
滄洲越可悅  
利涉心亦同  
寧吞細菱曲  
投暝聞僧鐘  
鐘聲渡水去我尚  
騎遊蹤飽此看山  
山九茱青芙蓉

柳湖曲二首

白牛塘外水交流  
占得鷗鄉一段秋  
上柳住郎中  
柳妾江湖那得不回頭

蘆子渡頭灣復灣  
女兒鏡裏照朱顏  
多情妬殺門前水  
倒落青山九髻鬟

憶張花農

寶銘

東門流水間鷗跡  
紛無數晚潮人不來  
烟沒澗山樹

舟過嘉興方筠亭同年

林

留宿郡齋與舍弟

錫麟

夜話

述五百言

皓鶴志高潔長身苦饑癯  
元蟬爾何悲調急風露餘  
幽情誰不諒閱歷始知迂  
子也凌雲質所守仍兔株  
年年紅蓮幕祇爲貧所驅  
我友二千石讀律兼讀書  
要令甘棠樹種滿鴛鴦湖  
謂我弟也才喬木聲相呼  
投膠有深契性合情不踈  
令余京華夢時欲來三吳  
西風吹雁爪一夕蹤跡俱  
我歸拜高堂子亦返故廬  
殘書歷行李人門苦踟躕  
囊無一金積糈無一斗儲  
猶言飲水樂同室相暖姝  
書生大拙計路鬼先抑掄  
勞生置局上賭擲如樗蒲  
但知繞床叫安問雉與  
盧帆檣子行駕僕夫我亦  
趨冠蓋觸炎暑行行六月初  
江山笑張翰辛苦求菹鱸  
長水子所館約我停青艫  
翩然謀食鳥來作同隊魚  
主人賢太守投刺逆半途



官齋樹陰下涼入清酒壺行鞭筭新截踏泥藕可菹醉余榻子  
榻夜雨生菱蘆睡起翦燈話宛在家鄉居閱歷事不同過之風  
吹竿憶子壬寅夏視余於京都梧桐新月間爲寫移居圖謂將  
數晨夕乃復託妻孥峩峩糧艘發一母將衆雛子也送歸去我  
留形影孤士窮拙生計後悔日已晡頻年困渴病藥裏空撐扶  
那能霜雪裏不使楊柳枯白雲在何方青山良起予卽今幸合  
并未可言歡娛徒思秦人炙誰秣瓊山芻我官固自冷子瘡何  
時腴富人或千畝我志營一區有田倘可歸與子同把鋤須知  
蓑笠身好在文采無種秫得數石甕頭酒新斲壽親無算爵侑  
以園中蔬詩人白華養豈在牲鼎臚大槐寄寤想孤心墮烟蕪  
雞鳴余欲去泛泛一幅蒲西湖三十里待我白芙蕖

幻居菴觀華嚴墨海歌

并序

幻居菴在嘉興城東中峰和尚道場也所藏大方廣佛華嚴經  
乃明末青鎮寶閣僧道琳祖芳乞菴松嘉湖四郡名流所書始  
于萬歷壬子迄于崇禎壬午書成函于閣題曰華嚴墨海後歸  
于幻居庵經凡十六帙八十一卷帙首皆趙宦光篆書每卷書  
者一人各署名內釋子一人女弟子一人惟三十六卷閱志  
孝薛明益二人同書第四十九卷缺 國朝曹三才補寫第六  
十九卷不署名第七卷後又有對者二人共八十三人乾隆乙  
巳六月余寓嘉興郡齋曹種梅秉鈞家少陞敢邀余過遊寺僧  
出觀云舊有董文敏所書金剛經及金字法華經今已不存矣  
因請題詩乃作長歌紀之  
茶烟乍歇青豆房沙彌捧經立我傍爲留半日貪禪誦相對一  
爐焚妙香大方廣佛無邊力特許人間種功德迎眸先放大光



明合掌如泰善知識乞書聞自僧道琳八十三家同發心西風  
吹冷青鎮閣此地替作優曇林佛菩薩語天龍守姓氏分題別  
誰某同時證果有方袍一笑散花煩女手蘇松嘉湖各擅場題  
名獨我身生杭法雲憶訪金書秘西湖慧因院有宋元祐間高麗所進金字華嚴經秋雨曾探  
貝葉藏貝葉經藏蓋隱借秋閣豈意飛身投墨海真見華嚴樓閣在化城廣大  
量慈悲苦語纏綿心懺悔娑婆世界衆生同慧業須歸兜率宮  
般若證來彈指覺洛父算到寫經功漏痕釵股看都似筆力堅  
強能透紙臨池聲價賤鵝羣舒指神通化獅子五載辛勤集勝  
流光陰白盡阿師頭簽題肯讓凡夫健豪奪寧容元宰留珍藏  
也比蘭亭禊完缺巡環難預計下火茶毘一个僧補亡圓滿三  
千偈笑我奔波似善財草鞋踏破此間來濃陰頂覆杪櫺密清  
氣瓶催齒苔開伊蒲消受今朝餉茶券何年酬後訪潮音夢醒

中峰堂電影愁飄金粟藏不須芋火問禪機饒舌豐干去不歸  
一霎觀河驚面皺曬經臺上立斜暉

立秋日在嘉興泛舟遊東塔寺寺爲朱買臣故宅其墓  
在焉主僧出觀元雪菴和尚書八大人覺經墨蹟遂飯  
於松月堂午後微雨掉舟入南湖登烟雨樓與諸同年  
讌集得詩五首

水鄉息車馬來往一葉舟空波滿菱芡露氣晴不收涼風吹我  
衣樹樹蟬已秋鐘聲寺門內邀我輟棹遊雲端禮紺塔鈴語無  
時休自梁隋以來老僧幾白頭林蘿閱歲月去去如川流悟此  
懷住因感彼希榮倚

高壠荒草長樵歌忽然起壠中千載人無語夕陽裏豐碑繡苔  
篆云是漢長史五十始發軔富貴亦幸矣老屋未就荒松桂有



餘美曷不早乞身仍從負薪子

花木若窺人竹外一門豁延覽石壁鏤宛似稿新脫雪庵所書  
經筆法妙鈎撥更乞墨妙觀字字龍象活具此大覺慈卽佛卽  
菩薩吾輩文字禪流連慰饑渴沙彌爲煮茶松卵數丸掇

舟子俟前渡派波行我船彎環一橋八偶逢人采蓮湖光雜飛  
雨吹入花中烟鴛鴦不見來一湖清可憐倒影落樓閣涼動菰  
蘆邊誰爲釣鰲客佇望蓬萊仙樓下卽釣鰲磯權歌去樓下水繪當樓前  
百里更無山雲翠峰在天

十年宦長安面與故人隔鷗波若爲期忽忽聚蹤跡值此餞夏  
筵會我同心客百罰我不辭荷筍注深碧黃雀味縱遲紫蟹膾  
可擘欲寫胸中秋凭欄高百尺雨來烟自深雨歇烟更白冷然  
醉魂洗月出涼夕

### 曉過烏戍值雨

石門水涸不可渡王家涇口通船路片帆長水試樵風和雨吹  
人到烏戍水天曉色辨不能一湖菱葉濛濛霧人家開門接客  
早婦汲童樵各持具笑余行李濕淋漓猶向龍公乞甘澍稻苗  
剡剡青欲齊昨日還防旱魃妬中流耳聽篷滴鳴矯若胥濤起  
沉痾橫港舟撐濕網來隔烟人叱耕牛去田歌歡樂勝漁歌中  
有豐年太平句困魚升水易爲德但得及時良未誤平生苦逐  
車馬跡得意且圖蓑笠趣西溪山水勝更多買田終擬移家住  
兒能荷鋤年長大女能絲麻了公賦老夫賞雨不出門茅屋尊  
開坐秋樹

### 觀采菱

菱女茴香髻菱童鴨背舟菱歌何處唱菱葉可憐秋斜照共人



遠碧雲如水流西風容易晚涼殺幾沙鷗

新市道中

撈蝦渡口水風涼菱角纔肥酒味長醉我不知秋色早亂蟬聲  
裏過斜陽

庭桂始得消息

意外與香遇浩然清露時空林動涼氣風嫋青青枝亭亭丹白  
想十載吾爾期美人在秋水招以離騷詞杯中有紫霞相與斟  
酌之微聞落子聲明月來何遲

中秋作

纖雲淨掃碧天寬秋氣橫生白露寒昨日花先高閣放今年月  
在故園看瓊樓玉宇虛空接銀燭清尊老幼圍酒侶長安應不  
少幾人念我起憑欄

翁家山道中

擁萬峰涼翠開一面泉鳴風忽生秋老葉微變稍披衆翳  
入陡扶羣峭見嵐光迄新姿旭影表空舊茅茨聚已多樹藝計  
良羨土沃茶薺肥山深松栝賤習忘材語喧行熟樵步便一諷  
招隱詩林澗動遺眷

滿覺壠觀桂

尋花花尚杳已有香行空迢迢轉曲塢歷歷披幽叢偃蹇鬱枝  
幹窅窅辨形容潛受冷露滋屢誤斜陽烘傾耳鏗欲霰逆鼻紛  
從風輪囷四山遍散越諸天濃平生隱淪慕託跡巖壑同存想  
綠髓換鍊景金房通煙霧暖前路鸞鶴翩相從

法相寺

絕流度崇岡躡草越危磴冥破松光寒一杵透金磬巡簷鶴聽



講倚樹僧入定久託招提遊頗識涅槃證亮無實相存安用遺  
蛻賸妄念俗見迷道心吾力勝強指去來今頌佛母乃佞

留餘山居

問訊入山深廬荒借雲宿森峭石易奇參復畫難讀飄空流軟  
翠裂隙走驚瀑颯然風雨交秋氣飛滿屋餘霏潤松篁繁響合  
琴筑濯纓緇清襟洗垢延遠日娟娟陵茗榮皎皎巖桂馥行趁  
倦羽歸頽陽澹林麓

酬黃舍山道士鶴見訪不值

落日返柴門青苔認履痕適來霞外鶴未款竹間言野菊如人  
瘦涼潮八句奔如聞采芝去長歎倚雲根時以觀潮歌留示

秋江獨釣圖

雲樹辨西興漁歌正江北過江明月來一船較秋色

立冬前一日項秋子招同

胡葑塘瀟何春渚奚鐵生剛

孫半峰晉學曹雲巢光瀾

項蓮峰魏春松成憲集壽花

軒篋余還京師卽席分韻

餞秋復餞客客愁秋共深庭間滿落葉浩歌遊子吟我吟未終  
曲涼風振繁音美人含窈窕餘芳鬱蘭襟離觴傾向夕情密無  
疎斟酌茲道路長復念霜雪侵欣戚各殊致永懷在苔岑閒雲  
偶然出時有還山心天空急哀雁月落停凄砧感我西笑客羨  
彼南飛禽

湖州西林村祖居感賦二首

僑籍錢塘百載過白雲迢遞隔烟波田荒丙舍經營缺戶長丁  
男慰藉多笑涕萬端時屢換詩書兩字教無他數椽老屋西林  
在明月猶來照薜蘿



祖父艱難孫子易人言陰德昇于今如天覆庇真無量令我科  
名愧此心遺采挂墻苔色繡佩刀藏篋寶光沉承先甌勉愁無  
及四十頭顱雪已侵

泊白蓮寺黃葉下

晚鐘雲際墜微茫黃葉林深繫野航寺外一灣明古水風前幾  
樹賽斜陽遙空忽聽雁移舫昨夜始知天雨霜甚欲題詩舊遊  
處白鷗相見怕淒涼

松江訪汪秋白大經時已之錢塘留詩志別

話別尋君君已行片帆聞到武林城故人去後楓初落明月低  
時潮未生百畝稻田酬此願一言江水荏吾盟船船鯪菜西風  
裏歸夢先來約耦耕

吳淞道中二首

吳淞道中清霜十月中蟹消諸斷火蘆捲萬梢風柳色天如  
披山眉畫最工夕陽容易落微剩柏林紅

一棹暮煙裏臨流拓水窗雁程看乙字帆葉數申江沽酒穿沙  
市炊鱸就釣艘此間能夢穩只有白鷗雙

舟至吳閭值沈南雷儀曹世焯靈樞還南慰問諸孤泣

然賦此

哭君燕市日已是一年期素旒來天外征人尚水湄死生同夢  
幼風雨集悲思剖却青銅鏡重泉有合時時夫人繼逝  
極亦皆歸路可招魂達者生如  
黯黯平生意依依酒次言此杯常在手無  
寄諸孤澤所存皋亭堪卜葬他日酌松根

遊攝山棲霞寺

亂山如合圍一峰繖而立夕陽明滅聞踏影步步入林霏蒸宿



有正學齋詩集卷七  
潤磬響墮空濕過橋僧候門合十答我揖導我上危磴一轉三百級苔荒捨宅文捫久讀之逌遐思明隱君高躅容企及把君竹如意荷我笋皮笠

飛閣凌雲端攬身上復上鳥道踰百盤力借一枝杖山中日未落江上潮初長冷然御天風萬物觀浩蕩六朝興廢跡人烟雜榛莽一賦哀江南山川有凄響龍蛇驚世變猿鳥樂吾黨藥草可攝生尋之踏葉往翠微人不逢松石意誰賞

題管平原柳塘漁隱圖

一幅艾陵湖畔水煙波不寒寒在紙小樹陰淡大樹濃鷓鴣閒立塘前風過橋茅屋幾家住漁女漁兒待阿翁阿翁得魚苦無酒欲與山妻謀一斗踏月攜歸貫之柳

舟發邗上二里許河路擠塞遂起岸至召伯埭買蘆篷

船而行

喧喧終夜聲萬力互爭濟大艘昂然來篙櫓盛氣勢我舟隨其間緣縫亦云細奈何排擠之進退兩無計自朝至日昃新婦帷中閉吁嗟楸局寬肯受一著制回頭彼岸登事在用吾銳嚴關戒近裝古埭緬遙霽同此一葉舟帆楫各天際搖搖霜滿篷夢傍秋雪繫

魚溝大風

一塵纔動卽風埃輪轉空中往復回夕照亂翻鴉影去寒聲直捲馬頭來黃河水壯魚龍蟄赤地深草木哀祝汝好吹如掌雪前村宿麥已根荄

嶧陽值霰頗有雪意

枯麥朝來氣欲醒天催急霰灑郊坰烟光到樹水先白雪意在



雲山轉青破屋幾家挑酒幟寒聲一箇颭車鈴行人最憶江南  
樂竹壓篷窗擁被聽

旅述八首

入洛素爲緇踰淮橘化枳哲人觀其微君子葆厥始十年桂玉  
炊辛苦長安市乞歸賦采蘭力不贍甘旨語冰未知寒身負夏  
蟲耻駸駸歲序晚忽忽去鄉里瓦燈搖一穗夢短茅店裏輾轉  
視衾影百念端可已父母勗我辭曰敬此心矢

我身有僕隨我車有騾駕欲求老境甘噉此倒食蔗菱荷製初  
服著之旋復罷形骸任我殺無計使自暇行行重行行日夕未  
休舍白草風蕭蕭大野牛羊下

驚風捲黃沙浩浩來西北白日無晶光長空盪寒色馬毛如蝟  
縮僕夫亦僵踣逆旅何主人肅我牛宮側蒿床無上下煨火易

爲德空林有困禽饑聲啼唧唧扶搖九萬里始信大鵬力

蒿目不可望中心忽如惓今年旱太甚赤地連東南淮徐青兗  
交民困尤不堪榆柳無完皮炊糜爲之甘小弱棄可憐流亡半  
丁男肌骸委道路掩袂驅我驂相逢長民吏惻惻陳再三桑女  
守空筐坐視饑死蠶咄哉書生願人云老生談  
於穆我

后德民憂計惟先臨軒發咨警煌煌詔令宣大吏而入告

議賑復議蠲大吏不入告慮周其未然截漕數十萬紅粟逮市  
廩采買及閩楚黃旗插江船奉行有不力厥惟長官愆請告爾  
民聽爾無苦顛連新陽回墊塏同在春風天且食官廩粥明年

樂豐年

緇袍已煖苦念他人寒骨肉遠千里徒爲道旁嘆家貧四壁



立一味留儒酸區區反哺心淚咽遊子餐夢中返故鄉妻孥慘  
不歡醒來驢背上樹捲風聲乾路長不能短帶急不可寬山川

鬱莽蒼四顧愁無端何人望北斗中夜憑闌干

有弟復有妹弱齡共遊戲筆墨學塗抹機杼竊倒置十年分雁  
影望斷雲外字昨歸喜合并忽復灑離淚江湖信多阻歲晚益  
顛頓定知團圓日憶我獨異地顧我諸兒女那不阿父議吾家  
阿漣慧種種解人意聽罷輒效之是我小時事

種秫七百石栽桑八百株此事非易辦矧敢問有餘嘗與沈侯  
論梅村但請營一區有竹蔬可笋有池有可魚二者吾所欲斟酌  
良不疎我今困儒官苦乏升斗儲君亦作宰去每食懷田廬松  
根鬱霜雪菰米漂江湖出處有前定本末無異趨一勉加餐飯  
耳勉真起占

聯李趙北口宿

半迷衰柳半寒葭一路平橋接望遠凍浦星低魚留靜壞簷風  
峭酒旗斜井蛙局縮人徒鬧澤雁零丁我正嗟夢醒天涯還淚  
落不知何處響琵琶







何春渚布衣

黃相圃上舍

羅兩峯山人

奉命熱河校書呈諸同人二首

晚至清河

再宿清河旅店舍次壁間韻

白河澗

南天門

古北外迤南一帶羣山秀峙松栝特盛

喀喇河屯對月

白馬圈子至常山峪

廣仁嶺

灤河大雪約潘毅堂舍人有為宋芝山廣文同作

馮齋感懷

出塞篇

同芝山步磬鍾峯下

熱河雜詠十六首

同芝山飲郭參軍宅

晚至喀喇河屯

黃土梁

青石梁

晚過白河澗

雪後望塞上諸山

過牛欄山下作二首



校書歸戲柬毅堂

哭芝軒同年瑞保二首

送沈吉堂同年丙出守銅仁

效老杜諸將五首

晚春絕句

壺盧學士歌

尋萬柳堂故址

錢武肅王鐵券歌同繹堂那彥成作

薄寒

咏白芍藥

草橋

雨後過陶然亭

訪秋絕句三首

優孟謠

悲臺城

雨霖鈴曲

清涼居士

醃菜

宋芝山仿梅花庵主溪山無盡圖葛雲峯同年鳴陽屬

題

八月杪乞假南還別諸同好

天津訪李載園明府符清酒間感賦

津門雜詠六首

檄榔詩



光嶽樓

淮陰夜泊

題友人華嶽雲開立馬看小照

京口

有正味齋詩集卷八

泥爪集

題陸丹叔侍郎

費堦

夢中讀畫圖卽次原韻送其乞養

還嘉興

不是瓶山便甌山  
山前山後水回環  
西風黃雀孤帆健  
斜日烏犍一笛閒  
奉太夫人身許乞望  
春波里夢先還  
江南此去真如畫  
吟徧荷花紫艸間

送汪龍莊同年

輝祖之官寧遠

我讀雙節傳涕泣  
感母慈含荼撫孤雛  
作父兼作師至今進士  
君文采光陸離長安冠  
蓋地人爭仰容儀  
今年謁選來捧檄  
色不怡乃以二母故云  
抱終天悲君悲信無已  
我送亦有詞古來

錢塘

吳錫麒

聖徵



孝子行但求名勿虧讀書稟遺教要就根本窺一編活民書乃是昔所治鞭撻誰不能惟當念瘡痍春陵古時縣營水分一支扁舟越零陵遙望峯九疑西風帝子廟颯颯斑竹枝飢猿啼晝寒慘似青燈時製兒胸中錦念母機上絲所學果不負白水能鑒之明年湘中謠換唱甘棠詩循良奏上考庶慰地下知云矣衆人毋勉哉節婦兒

半村老人蘭亭模本并序

老人姓陳名王謨字朗行號半村錢塘諸生與先大父爲僚壻所居東園饒水木之趣工書法逼近晉人余幼時多仿寫之今老人下世且數載矣令子熙臺表叔熹與余同居長安出示此卷并索余作展視一過不禁泫然時丙午十一月朔越四日蘭亭記自王右軍今不異昔視此文龍跳虎卧復紙上半村老

人書有神老人騎鶴去已久修短隨化嗟何云卅年舊事我能記橙花老屋開新春我祖娛賓呼我出月明照見鬚如銀我時三尺立公側梨栗與喫情尤親索觀我字醜可怕却肯妙墨書半裙臨摹到今無一得空念勗我詞諄諄花開花落淚頻灑堪卷欲染淋漓痕公今有子寶斯本十年傳硯余慚孫天涯悵望墳墓遠咫尺幸喜精神存弁山旣免厄風水玉匣豈慮終埋溼故鄉老輩跋尾徧攜來更踏長安塵晨朝深雪北風冷薑芽斂手題何人巧偷豪奪不可料但防缸面酒邀君

王文成公奏疏草稿真跡翁鳳西同年元圻屬題并序

疏稿作於平思田土夷時按嘉靖六年思田二府土酋盧蘇王受反詔起公總督兩廣兼巡撫及赴南寧蘇受遣使乞降受之時侍郎方獻夫建言宜於田州設都御史一人撫綏諸郡公因



上此疏具言蠻夷不可治以禮法因舉右布政林富量收意職  
撫循蓋在七年二月旋用林富率蘇受兵破斷藤峽徭賊闢地  
數百里厥功甚鉅時公已病甚是年道卒南安此為最時年筆  
也

三十九行字壓紙六百餘言言洞髓思出初清計安復仁心抉  
出良知理賣刀買牛疏所云萬七千人俱赤子蠻夷未可禮法  
繩何必特設都御史付之林富治有餘從此南人不反矣斷藤  
峽口唱賊來王受盧蘇皆効死公之誠信感草木公之文章貫  
經史南安一夕大星隕離此疏纔數月耳飛鳶跼跼伏波嘆公  
亦行師適於此此疏公在梧州時所上梧州督江即馬援所云仰視飛鳶跼跼墮水中處慧以明珠徒有誘蚍蜉  
撼樹何須警千秋論定信完人彼哉桂萼徒為爾讀罷憑欄望  
斗杓一俾遠更廬山時

秋子生子即次來韻

四十年前君襁褓今且四十頭童頰前尚無襁褓物年華過  
眼同吹烟君嘗自嘆吾亦惜此話記在前年前兩年思君雲樹  
隔求一夢見如登仙荻苗水上秋正好鯉魚躍出清冷淵書來  
報我弄璋喜君從此天倫全白頭二老有孫抱到羊趣辦彌  
月筵酒香淋漓溢戶牖何三春笑九鐵同招延酣呼捉醉樂莫  
樂侈說跨竈賢乎賢阿翁故是斲輪手厥子那不箕裘傳前飛  
一鳳後者繼其餘鸞鶴來翩翩來詩云何況女妾又懷結隣有約我將  
反崢嶸頭角看他年尚須償我湯餅債破費三百青銅錢

題陳柳樊同年人驥烟波泛宅圖即送其之官蜀中

君不須念西子湖亦不用憶張翰鱸作官正要水鑿日日清  
流看此圖此中不必有魚釣但求養活千百魚頗聞巴蜀賢長



吏料理百姓非區區蒲鞭不試官課了閉門莫識吏與胥送君  
此間作宰去可以讀律且讀書百錢一飯食不盡黃雞肥美兼  
花豬明年孺人挈雛至官齋便是君家廬月支廉俸幾百索比  
較修脯豐何如弦歌正好助文字瓜果詎肯通苞苴海棠花底  
放衙罷但有詩值千明珠烟波百尺錦江好三十六鱗煩寄余

秋懷詩四首

錢穉石侍郎載

千詩盤鬱此胸襟長水侍郎才調深老作江湖耆舊長情兼騷  
雅美人心月波洒好沾無盡鶴渚梅多畫不禁兩扇烏篷搖曳  
去扣舷能唱水龍吟

何春渚布衣

小山居畔識煙蘿枯樹灣頭剩釣蓑遊子飢寒歸日少酒人涕

淚古來多沙鷗水國思前約木葉秋風冷素波懷友思家渾似  
我年光客裏惜蹉跎

黃相圃上舍

廿載琴臺久不遲文章爾雅是吾師枯桐爨急才人泣破硯秋  
荒季女飢南渡江山能數典百年耆舊待編詩菰蘆此土猶淹  
滯鐵網滄波欲待誰

羅兩峯山人

壽門墓上已蒿萊弟子揚州有便才野格自高天際鶴繁枝亂  
插畫中梅三久明月詩懷瘦萬點寒螢鬼趣哀兩峯所畫鬼趣圖奇絕有約  
重來吾不負竹西亭館共深杯

奉命熱河校書呈諸同人地首

薊鎮山川 輦路通校書人出五雲中雪明不眩生花眼風勁



先收掃葉功從古文章今日盛即看甌脫一家同毛錐莫笑儒  
生技闕歷邊關氣自雄

擊鐙高吟勅勒歌敝裘十月渡灤河印泥爪冷愁鴻雁出塞裝  
輕健駱駝字食神仙能腹飽熬然太乙即春多 天邊津逮真

難得閣下今來響玉珂 勅建藏書閣熱  
河為文小閣

### 晚次清河

嚴冬事行役日暮前路長寒沙合大野但見衰草黃征夫急鈴  
鐸野老驅牛羊貴賤紛異營勞瘁分去各償十載居承明役役  
徇文章日中本精粲所愧缺簸揚道途困飢飭煮字難為糧誠  
或老馬智努力趨燈光小市門未掩竈觚飯亦香夢魂今夕穩  
土鏗與蒿床

### 再宿清河旅舍次壁間韻

有信信河之濱明月欲出山光如銀怒潮在壁驢敲草  
村犬吠入刁頭空自望破鏡車脚那免為勞薪一燈照我耿無  
寐但覺僮僕今宵親

### 白河澗

一重一掩山合圍客來亭午已夕暉天風怒號萬竅響寒翠欲  
墮空無依中間一澗受崖束凍澀細聽流聲微蜿蜒狀似玉龍  
卧鞭之帖帖旋不飛想當盛夏水暴漲頷下百斛翻珠璣流行  
坎止有定理歲寒即是陽春幾森森大樹閱千載葉縱脫盡根  
猶肥其旁約略幾茅屋但架白木闌雙扉樵歌唱入深谷去牧  
笛聽自前林歸心耽冷趣亦奇癖眼見畫本皆真機磬頭插天  
峰起密雲脚立地人行稀天門咫尺可以到去振千仞圖頭衣

### 南天門

南天門

五



詠蕩天門接九重丹梯列級闢鴻濛五雲縹緲勾陳衛一棧蒼  
茫箭筈通空響飛來鸞鶴奏濁埃捲過馬牛風蕩濡水怡明林  
外挂落銀河百尺雄

古北外迤南一帶羣山秀峙松栝特盛

我行趨而東朝暉射我西羣峰對面出雲氣高不低其下覆松  
栝寒重翠屢迷殘雪時一片皎若孤鶴棲茅屋四五家橫汲相  
提攜風吹斧聲墮林約炊烟齊不謂塞上山有此物外躑冥冥  
若相繫跡往神爲稽

喀喇河屯對月

羣峰高處涌銀盤照見征人此卸鞍千里雁無鄉信到一般月  
在塞垣看茅茨歲熟人情好首借風乾馬色寒莫對清光感孤

自馬圈子至常山峪

地險不可越客情悄然孤寄身螺殼中輾轉相縈紆逼仄就埃  
窳陰幽慘栗膚疑經太古來寒氣尙未蘇長風石脇破白日烏  
尾通身稟龍鼉駕心駭神鬼驅當進窘咫尺得上爭須臾萬象  
倏開豁縱目生歡娛樓臺現縹緲星斗捫虛無鞍馬且將息前  
途仗撐扶僕夫吻更渴急界村酒沽

廣仁嶺

磴道暝逾滑行人到欲迷松聲吹水入雲氣壓山低粉墨添蕭  
瑟輪蹄判阻躋思當未開鑿此險若何梯

樂河大雪約潘毅堂舍人

有爲宋芝山廣文同作  
前飛駕鵝後飛鶻毛羽漲空吹不滅寒光昨夜射紙窗如挂邊  
壘古隄戶羣山奔奔西北牙王上草天森高笏色相迷離紛墨



圖蓬萊晃漾金銀闕不辭沽酒斗十千曉出搖鞭醉兀兀坡陀  
十里迷起伏翻動銀杯馬蹄滑翩然自訝白鳳騎歸去眞思紫  
皇謁瓊壺跳入人不知日極中原青一髮回頭忽墮浮雲中此  
身尚恨非仙骨禽飢獸東野漫漫但聽樵歌聲未歇書生豪氣  
那足道炙硯且須煨榾柮豐年爲報塞上農預備家家動耕墾

寓齋感懷

萬山冰雪接嗟峨古木陰森夕照過塞夢不知何處遠邊聲只  
覺可憐多霜天鴻雁零丁帖酒地琵琶勅勒歌知有故人能念  
我歸來恐已髣絲皤

出塞篇

十月塞草枯蓬勃黃塵起雪送明駝出薊門風驅旅雁過灤水  
綫邊橋接宛延萬峯合省束青天關通古北盤迴迴地勒中

原控制先眼中燕嶺看俱貴那不馳驅奮豪氣角聲吹入小蠻  
于戎幕趨陪大都尉直上高臺望夕陽曉鴉歸處接蒼茫遠連  
嶺嵌包元菟近畫河流界白狼立威聞道須膠折滿地霜華露  
初結黃開漠朔共防秋黑騎漁陽羣浴鐵豆剖瓜分幾代休徒  
教廢壘至今留爭來甌脫熊羆老奪却燕支婦女愁征人到此  
歸難計歌罷陽關先隕涕握手空煩勉故人封侯最悔教夫婿  
亦有經營號上都督從微外闕天衢九邊三衛樊籬設別院離  
宮金碧鋪一朝事去繁華歇轉燭光陰驚倏忽可憐雀凍乾干  
山可堪馬飲長城空屈卽如明季重籌邊高築金墉萬杵喧自擬  
狼胥封有日誰知燐火照成煙遺民慣說滄桑話太息家居徒  
撞壞銜石翻勞精衛填負恩竟忍盧龍賣天心爲轉太平年路  
指康莊喜欲顛豈若烽烟煩北顧卽看牛馬盡南眠甲兵爭洗



民蒙福徃日僑居今聚族小娃對月唱刀環老卒犁田逢箭鏃  
中外遙通總一家此焉清暑荷

恩除雨添綠護宮門樹露漬紅鋪輦路花朝天萬笏峰先轟如  
待羣仙開繪幅雲司馬賦長楊乘傳終軍對奇木順時行獮  
奮威稜壑谷焱生士氣騰躡跡松根槍殺虎擒生草裏臂鞬鷹  
三驅禮畢川原曠千里暮雲回首望宛馬蹄翻首藉風天鵝響  
落琵琶唱玉几中陳面翠屏蒙宣曲宴

賜彤廷名王伏地山呼答廣樂鈞天

帝所聽冥冥更似神靈會松栝凌空聳旌旆峰頭俯壓鳥身低  
岡脉東蟠龍氣大我朝能以德守之長垣乃是心所治一鳴  
但撫伊吾劍百宿行陳槃木詩書生不為從軍出兀兀搖鞭去  
何疾少歲多應慕乘繻雄心今豈思投筆桀閣凌虛萬卷儲早

占

文教被穹廬願隨石匣峰頭月來讀人間未見書

同芝山步磬鍾峰下

松風生峭寒拾徑林樵步不聞清磬聲雪滴斜陽樹

熱河雜詠十六首

萬峰紫翠互盤迴歲歲曾經玉輦來麗正門開初日照子雲

端裏現蓬萊

避暑山莊南為三門中麗正門東德樞門西瑞景門其東及東北西北門各一

東齊西晉客程通關稅無征襁負同爐煖不煩鄒子律萬家烟

火畫圖中

熱河地甚寒無土著多山西山東流寓者近以人烟湊集寒亦漸減古北口但議察往來無稅

三川滙合足烟波武列淵源注不訛留與經幢照奇字磬榿峰

上夕陽多

塞外固都爾呼河茅溝河音河即三藏水至溫泉滙流之後始入熱河歸道元水經注三藏水又東南列谿謂之武列水東南歷石挺下延左立日磬之上南

孤石雲無狀危峻而高百餘仞按武列水即今熱河石挺指磬榿峯也峯側石磬一鐫尿湘幅四字不知何時所建說文尿古戶字也為武壘所造日字徐二字無考



揉鼻無煩雪作團今年暄暖萬民歡

君恩亦與溫泉似流到人間總不寒元楊允孚漢京雜詠注凡志耳鼻即其雪揉之方同近火則脫溫泉源出豐宇

縣有浴池在泉側其水東流入灤河

宮殿千秋 儉德得不施丹雘任天然 堯階迥在層霄上畫

出松雲一片圓山莊制向樓素無丹雘之飾尤多喬松諸勝景之以松多者若萬壑松風松鶴清越及松壑兩樓松霞室松雲樓松巖亭松雲其尤著也

瑤花天上散紛綸葉落長松挺瘦身頑石也成羅漢果雪山面

目本來真落葉松松葉杉身生五臺及口外興安之地秋冬凋落與凡木同羅漢峰一石彌勒峰在山莊東岡巒曼衍望之似人跌坐坦腹

聞道秋風壯塞垣衣冠此地會名藩照人齊化光明燭萬丈燈

輪萬樹園萬樹園倚山而湖自西師歲役錫宴觀燈馬伎皆在此御製燈詞備極其盛

火種刀耕歉歲稀炊烟一片動斜暉尊前風味人人說秔稻登

場黃風肥開外多關山為田刀耕火種黃風為山奇品見楊元字山京雜詠味極肥美元時曾為王食之獻

月黑腥風一道衝御路旁吹折幾枝松明朝好試飛鎗手一路寒

山窮虎蹤蒙古謂為巴爾圖今承德府屬境內之山多有名巴爾圖者以虎得名每歲駐蹕山莊常命虎鎗人殺虎

僧冠著絮白雲心五指懸槌輪相存忍聳雙尖更奇絕大峰祖

塔小峰孫僧冠峰承德府南形如毘盧覆頂土人以雲氣聚散占晴雨之驗五指山在府東南五峰峭峻如五指雙塔山在喀喇河和東北大小二峰矗立百餘丈如宰堵波高下相亞其峰中間三孔表裏通明

林間俊鶻怒毛蹲枯木寒烟畫裏論何似白翎彈一曲琵琶絃

上黑河翻元一統志建州土產鶻陶宗儀輟耕錄白翎雀主於烏桓朔漠之地雌雄和鳴自得其樂世皇因命伶人碩德闡製曲以名之楊允孚漢京雜詠白翎隨馬叫

新春白粲玉漿含宿醞紅泥乍坼曇鮮鮓無鱗磨釘地未須鰕

菜憶江南山莊產白粟色純潔味甘性膩其種得於烏喇樹孔中熱河土酒味薄惟越酒市中多有之價亦與都中相準陳河鮓有斑無鱗食品中最美者磨形如

猴頭者及號曰口餅又曰當頭磨菇

雜貨市上京雜詩曰因出沙中美

雜貨市上京雜詩曰因出沙中美

雜貨市上京雜詩曰因出沙中美

雜貨市上京雜詩曰因出沙中美

雜貨市上京雜詩曰因出沙中美

雜貨市上京雜詩曰因出沙中美

雜貨市上京雜詩曰因出沙中美

雜貨市上京雜詩曰因出沙中美

雜貨市上京雜詩曰因出沙中美



丁丁響未斷樵風木炭燒成脆似銅 恩被儒官皆拔纊煮茶

香裏地爐紅 宋王三曾行程錄深谷中多以燒炭為業元一統志大寧路產木炭蓋塞外名樹故為炭較易所產視內地為佳此大校者 恩給炭火若飲

凍梨含味妙于回巴欖良尤號果魁剝出勻圓榛實好不愁楊

腹廁羣材 楊允孚癸京雜詠註梨子受凍其堅如鐵以井水浸之味回可食又詩杏子何如巴欖真在杏子巴欖皆果名元一統志榛子大車土產今塞山皆有之俗云

十榛九空惟此處不爾 查慎行詩鵝頭刺玉差相似飽何曾無一顆空是也

興桓左界接崔嵬想見羣山紫避開可惜不曾隨豹尾霜風盤

馬白龍堆

### 同芝山飲郭參軍宅

塞上休驚歲欲殘此懷浩蕩酒波寬蟲魚飽眼消忙日燈火關心稱冷官厨幕狂呼蒼鶻戲皮絃豪激白翎彈歸途如入梅花夢雪樹模糊醉後看

### 晚次喀喇河屯

邊色起黃昏羣山似陣屯馬蹄穿石角虎跡躡松根漸近村前面初高月一痕地爐紅更好腰脚藉温存

### 黃土梁

斜日照行客一鞭歸燈敲波陀望若平寒雲注虛坳石骨陷其裏周以積土包荒荒林真虎慘慘橫瘦蛟登頓亦已疲暖然見衡茅年豐畢婚嫁少婦方垂髻晴檐理針線念將新歲交感我勞者唱詎免居者嘲

### 青石梁

樵風忽飄飄吹我就石脇來途所熟經寒氣迫之狹接天一握孤入地萬脚插欲飛不飛勢預恐頂上壓行路敢辭難在險未可狎遠村烟火微落日僮僕乏層巒如趁人雲際猶爰業

### 晚過白河澗



樵童一扇啟柴扉又見征人策蹇歸雪水暗通幽澗活風鳴亂  
帶夕陽飛長成峭厲峰原健領畧高寒樹不肥寫我紅衣圖畫  
裏只須添箇釣魚磯

雪後望塞上諸山

餘雪破崢嶸萬象窮畫祕數峰矗長空點染出松翠一峰悄然  
孤雲寫不了意樵扉半扇開茅屋幾間置微微界積溜颯颯送  
遙吹白鳥自去來矯若逞寒媚陰陽鬱磅礴粉墨志游戲迴接  
霄漢間俯我策一騎須臾斜照收風冷不可避回首隔蒼茫烟  
深曹如睡

過牛欄山下作二首

邊關迢遞接風烟日日征蹄躡確穿行到牛欄山路穩第三峰  
下響歸鞭

一 株老秃臙枯楊幾處牛宮 莽土墻歲晚牧兒無箇事太平吹  
笛向斜陽

校書歸戲柬毅堂

雲中傑閣仰鬼裁手抱琅函日日過名士不如灤鯽貴奇書爭  
得塞山多十行誰是無雙眼萬卷難求畫一歌時總裁登定真程  
專求畫一故云歸路  
惹教彌勒笑羣公似我腹空曠

哭芝軒同年瑞保二首

乙未同官人四十玉堂高會盡仙才不堪舊雨如星散又入新  
年哭友來爆竹碎心千箇響名花無果一場開東風似此淒涼  
甚容易尊前白髮催

夢回不道隔重泉淚自潸然意惘然眾口稱賢寧獨我此人早  
死欲疑天功名綸閣成千古桃李春風又一年丁未會  
試總裁大佛街前



重回首可憐喬木冷寒烟

送沈吉堂同年再出守銅仁

清歌夜散故人筵五馬前頭玉節傳春遣鶯花開驛路山迎笳  
鼓入蠻天吟詩燈暗檳榔雨買劍民耕木笥煙燕市酒徒勞記  
憶寥寥同榜十年前

效老杜諸將五首

蒼茫極目駭波翻春色無端阻海門早俾繭絲懲尹鐸豈容霧  
市隱孫恩齊驅草木風聲厲直走蓬瀛蜃氣昏六十年來太平  
地忍教臺笠變軍屯  
羽書遞到隔重洋太息椎埋禍久藏物盛禾終防莠茁獄成李  
轉代桃僵乍醒醉夢悲猿鶴誰激冤號變虎狼莫共胡僧談往  
劫諸公先自費平章

荏苒意敢逞縱橫赤白丸探勢漸成壞郭一旗支義旅凶門數  
日殉書生雲呼風嘯空拳搏地棘天荆戰骨撐幸喜紙鷲消息  
透解圍重見伏波兵

纔報前軍渡習流早看兵氣奮獵貅雪深正好擒元濟風利何  
須泊石頭入穴此時如破竹據橋有將獨橫矛麒麟閣上當年  
事依舊平南仗故侯

是役也福平金川圖 屢安海蘭察皆 林紫光閣者

凱旋一路旆飛揚補救還資善後方小吏要嚴狐假虎長官莫  
信馬如羊風雷容易么麼制門戶艱難罅隙防但願游氛從此  
掃平波不動海天長

晚春絕句

池塘昨日科斗生池塘今日蝦蟇鳴轉眼流光太容易綠陰門  
巷看新晴



壺盧學士歌

酒家造酒壺子用大壺盧為身上塑頭面飾以冠巾號曰壺盧學士瘦銅作歌激余同賦

楞然之腹皤然羸大瓠五石安用乎稱以學士毋乃諛哆然笑  
口開胡盧醉鄉清閼仙所都日月跳擲壺非壺就之空洞一物  
無容若輩可什百俱錦袍自合白也呼鐵牛亦許陶家摹玉堂  
人物德不孤晝之依樣皆吾徒不知我者憑抑掄能知我者邀  
歡娛北風吹雪瓊瑩鋪登登街屐人來沽一帘坐對青模糊梅  
花插帽香在爐非唐非宋忘故吾不姓不名彼丈夫胸中徑欲  
吞江湖頂上那得澆醜醜一官匏繫且莫吁歸興已約尋菰蒲  
春山鳥喚提葫蘆學士醉倒吾其扶

尋萬柳堂故址

雲物易變滅亭臺安可論寒風振高木落日棲平原樵牧跡久  
荒觴咏情孰敦屢撫舊時柳默默交意存枯心既失榮老髮亦  
已髡仰面看飛鴉歸中墨點繁畫圖如昨夢冥色搖煙昏古今  
不相及獨立嗟何言

錢武肅王鐵券歌同

釋堂那彥成作

江上潮秋風來陌上花春風開秋來春去六百載衣錦城空老  
樹灰此券乾寧四年鑄前繫官階後駢句怨卿九死子孫三金  
版煌煌叨異數聖主萬歲臣一心此心亦願鑄如金三世四王  
州十四可惜開門節度使西湖花鳥夢蒼茫我是杭人感澤長  
表忠觀裏尋碑讀絕勝區區鐵一方

薄寒

高樹夕陽去薄寒花發無微聞一鳥語獨抱孤琴俱芳草小庭  
長蟄蟲前日蘇鄉書來鄭重只話故園燕

咏白芍藥



一曲新詞唱解紅萬花高會素心同擔來清曉豐臺月洗盡浮  
華鄭國風味可破禪情不淺春當婪尾色先空膽瓶相對渾如  
水珍重頻教下綺櫳

草橋

偶與野趣會適此物外蹤孤懷寡所豫魚鳥性亦同煙波若爲  
招徑轉畧約通人家在樹裏深綠門前濃稍覺麥氣寒已是四  
月中閱候良易感賞心殊未窮斜陽上林杪遠寺來疎鐘微微  
生夕陰颯颯聞水風蘆開如有人風定人不逢溯徊倘相許浩  
歌吾其從

雨後過陶然亭

步屨極閒趣一亭山雨殘風行蘆葉響人坐麥秋寒鐘鼓寧妨  
靜烟波不在竟祇餘懷舊意王怕倚欄干

訪秋絕句三首

出門無數亂雲橫秋士悲秋苦調成我有國風君子慕古愁先  
爲草蟲生

豆架瓜棚暑不長野人籬落占秋光牽牛花是隣家種瘦竹一  
莖扶上墻

燕子飛飛秋稷前廣渠門外半寒煙短條未盡長條盡辛苦垂  
楊又一年

優孟謠

衣冠抵掌來王前噫孫叔敖不見今幾年今得見之願舉國以  
聽高賢王誠知叔敖賢不知其子破帽赤足衣後穿風風雨雨  
薪一肩請王聽我歌我歌未發聲吞咽貪吏不可爲金銀之氣  
上塞天魚游沸鼎心煩煎廉吏不可爲不見孫叔敖生時不能



名一錢沒後其子朝不得食暮不得食願隨阿父遊黃泉王今  
欲相臣臣恐妻兒聞之涕泗漣今日孫叔敖猶有優孟衣冠抵  
掌來王前明朝孟死誰人憐

悲臺城

皇帝菩薩佛寺居頓首頓首三答書一億萬錢纔贖得袈裟十  
里送鑾輿君王祈佛須祈福不料興亡如轉燭御殿花迎狗子  
紅臺城草上龍衣綠五代荒淫二百年蕭梁文物亦成煙金甌  
破碎無完局賊在江山佛在天嗚呼蕭老公捨身竟何益能武  
能文豈不賢自成自敗真堪愴雨花臺前花雨春石頭城邊戰  
血新君自召禍非他人賀雅疏佛亦噴荷荷聲佛不聞

雨霖鈴曲

一滴一聲鈴自語吹來梨樹橫邊雨棖棖惜惜復何云咽咽

妻君獨聞哀豈付與王徽記絕調如呼奈何帝弟子梨園金  
煙琵琶天寶他年淚我欲終此曲此曲聲何長三郎三郎太  
當天荒地老情茫茫安得再唱荔枝香何況聽風聽水譜霓裳  
但聽南內無人夜感築秋高更斷腸

清涼居士

中興名將真英雄錦衣驄馬稱相公西湖一角殘山水攜酒騎  
驢號居士南山北山徃復還晚風吹透刀箭瘢歸來山月照孤  
夢夢中猶念龍沙寒心頭念念憂朝廟如此清涼初不料鐵棒  
看人地下熬金牌怨我軍中召滿眼風花不當春閉門借隱最  
情親一聲戰鼓黃天蕩同是今朝白首人

醃菜

劇來野圃帶泥香旨蓄經冬料理忙風雪光陰如有約酸鹹者



好未能忘酒人燈下頻頻索笋事江南恰恰償食肉我知無骨  
相不愁夢訴蹴蔬羊

宋芝山仿梅花庵主溪山無盡圖葛雲峰同年鳴陽屬

題

紙如欲濕決決泉壘所不著冥冥天天光視出山四面被染都  
若交虛然山根架橋橋白木橋外短樹蒙蒼烟秋寒如此夕陽  
落近岸已泊歸來船行行一老童隨肩一老相候柴扉邊松花  
滿塢酒應熟把瓊共話青山綠松毛之屋我能住真山只少青  
銅錢吾家仲圭梅花仙墨妙欲到荆關前後而企者四百年亦  
復摹此神完全卧遊且作溪山夢老木丹黃認一椽

八月杪乞假南還別諸同好

通潞亭前水穀紋招招舟子艣聲聞朝衫秋冷三更雨親舍心

懸一席雲放溜爭如魚逐隊分襟可惜雁離羣菊花酒送還鄉  
去幾個詩人醉夕曛

天津訪李載園明府符清酒間感賦

蹤跡頻年鴈影過相逢那惜醉顏酡分流黯黯丁沽水舊感茫  
茫子夜歌題罷新詩桐葉老飄來殘淚燭花多一尊預作重陽  
會風雨明朝奈別何

津門雜詠六首

蘆雨生寒鴈下汀津門秋色好揚舫片帆疑挂銀河水來向天

邊看女星女星上有天津九星  
孝占應小直沽故以爲名

角飛城畔草全荒豆子航邊半夕陽一陣風腥肩販出魚鰕爭

趕曬鹽場

日出扶桑雞子黃標榆大賈卜開洋天妃廟裏燒香去蝴蝶一



雙飛上橋

枯荷瑟瑟風吹涼人道花時水亦香七十二沽尋夢到那尋七  
十二鴛鴦

郎去蘆臺柳又秋妾居柳口望蘆洲柳絲若綰郎心住願守蘆  
花共白頭

西浦清歌罷采菱北斜暝色又收昏一星欲滴露初白涼殺前  
沾捕蠅燈

楊柳青

簇簇人烟散市餘蕭蕭古驛卸帆初秋陰欲暝去爲雨寒槩若  
飛來賣魚客過析津添日記田經吳下課農書夫津自明任應蛟  
江蘇地法始種  
歸我共垂楊健綠髮風則未肯疎

光嶽樓

登臨人在古聊城樓上平看岱嶽橫曉日闌干浮海色高原草  
樹走秋聲拓胸勢據齊州大照眼波繁汶水明望極蒼茫寒氣  
逼已知觸石有雲生

淮陰夜泊

人語出烟中江南吾到矣孤帆遲不發延佇新月起窈窕展微  
光清淮相映美冥想前浦寒淪漣風未已蘆謳激荒波漁火動  
空水誰飲千金贈徒喟一臺峙鱗潛期自葆羽健亮安恃喟彼  
年少心光陰閱墟市幽谷薜蘿深寤歌待之子

題友人華嶽雲開立馬看小照

嶽色洗清秋夫高白帝旒雲端孤騎立雨氣萬松收玉女迎眸  
笑黃河繞足流蓮花如可折爲我贈丹邱

京口



北府兵何在南朝跡已空  
天晴瓜步樹潮響  
蒜山風雙鬢蕭條  
甚千秋感慨同  
滿江衰草色寒入寄奴宮

有正味齋詩集卷八終



